## 山庫全幸

史部

通無紀事本末御製持


詳校官編修臣種

槐

編修臣装練覆勘

校對官中 腾録監生臣楊遐 書 討 臣 臣 李 何思

九三日里 八十 條 日警子 涑水編年著通鑑建安紀事別成書與亡本末為金 製題宋版通鑑紀事本末 理因依若輔車雖有增前斯數典素 本瞻 焦編 朝編 竑則 焦編 谷皆校明 應張正沈 春溥之朝 开 論 陽 PP 便稱續後 编正 製詩 也明 淳熙紙墨香天禄 此 開 初 光相 馮續 琦編通為 編末鑑是 元纪為書 紀為起依 為明礼司鏡



資治開宗司馬傅分門紀事尚書沿沈表題要聽從 **都製通鑑紀事本末題辭** 密言造膝有誰知屋漏分明顯在兹盤古前文尚疏畧 百王後是誰承者師保如臨切楊乾 皇後事大的垂完心敬肆惟幾爾享世短長率繁之 谷研精輯續編監夏監殷吁漂若亦文亦質泊彬 札西清供乙覽要於法戒勵孜孜 ī ¥ŗ ¥

PONE J.A. Marine			75 PHE DWG (184	
				跋定四庫全書-
·				全書
				4
			· ·	

ここりらいか 欽定四庫全書 通鑑紀事本末 提要 唐劉知幾作史通叙述史例首列六家總歸 撰樞字機仲建安人孝宗初武禮部詞賦第 臣等謹案通鑑紀事本末四十二卷宋素樞 府尋提舉太平與國官事蹟具宋史本傅案 歷官至工部侍郎以右之殿修撰知江陵 通鐵紀事本末 史部三 紀事本末類

周世宗之征淮南 包括數千年事迹經緯明 各編年月自為首尾始於三家之分晉終於 辨编年之法或一事而隔越收卷育尾難稽 用然紀傳之法或一事而複見數篇實主莫 E 樞乃自出新意因司馬光資治通鑑區别門 體自漢以來不過紀傳編年兩法乗除互 節目詳具前後始末一覧了然遂於史家 以類排纂每事各詳起記自為標題每篇

我定匹庫全書

とこうう 1.4.1 言樞所編紀事有益見聞詔嚴州摹印十部 應麟玉海稱淳熙三年十一月忝政龔茂良 盡在是矣朱子亦稱其書部居門目始終離 而嘉嘆以賜東官及分賜江上諸即曰治道 國語之流蓋樞所綴集雖不出通鑑原文而 合之間皆曲有微意於以錯綜溫公之書乃 仍先以緣本上之宋史樞本傳又稱孝宗讀 體之外別為一 通鐵紀事本末 體實前古之所未有也王

銀片四月全書 等遞有沿仿而大指之簡當則皆出是書下 書割裂擒撏者可比其後如陳邦瞻谷應泰 馬乾隆四十六年五月恭校上 去取剪裁其義例極為精密非通鑑總類諸 提要 總 總纂官臣紀的臣陸錫熊臣孫 校 官 臣 陸 費 士毅 墀

7 1.4.7 **衣樞** 撰

卿大夫卿大夫治士庶人貴以臨賤賤以承貴上之使 禮為之綱紀哉是故天子統三公三公率諸侯諸侯制 孔子繫之曰天尊地早乾坤定矣早高以陳貴賤位矣 安故曰天子之職莫大於禮也文王序易以乾坤為首 之衛心腹支兼之庇本根然後能上下相保而國家治 有絕倫之力髙世之智莫敢不奔走而服役者豈非以 卿大夫是也夫以四海之廣兆民之衆受制於一人雖 下猶心腹之運手足根本之制支葉下之事上猶手足

多片四月全書

當不倦倦也非有桀紂之暴湯武之仁人歸之天命之 人之可見在去方 非器不形名以命之器以别之然後上下粲然有倫 於分也夫禮辨貴賤序親疏裁犀物制庶事非名不著 亡國而不為者誠以禮之大節不可亂也故曰禮莫大 成湯配天矣以季札而君吳則太伯血食矣然二子寧 王人雖微序於諸侯之上以是見聖人於君臣之際未 言君臣之位猶天地之不可易也春秋抑諸侯尊周室 君臣之分當守節伏死而已矣是故以微子而伐紂則 Į 通錫紀事本末

器與名不可以假人君之所司也政亡則國家從之衛 君待孔子而為政孔子欲先正名以為名不正則民無 有 禮之大經也名器既亡則禮安得獨存哉昔仲叔于奚 孔子先之誠以名器既亂則上下無以相你故也夫事 治之眾人之識近故必待其著而後救之治其微則 措手足夫繁纓小物也而孔子惜之正名細務也而 功於衛幹邑而請繁纓孔子以為不如多與之邑惟 有不生於微而成於著聖人之處遠故能謹其微 . 而

金万匹匠人言

H

卷一上

言之昔晉文公有大功於王室請隱於襄王襄王不許 力寡而功多救其著則竭力而不能及也易曰履霜堅 叔父有地而隱又何請馬文公於是乎懼而不敢違是 曰王童也未有代德而有二王亦叔父之所惡也不然 緜縣相屬者蓋以周之子孫尚能守其名分故也何以 專征大夫擅政禮之大體十喪七八矣然文武之祀循 也嗚呼幽厲失德周道日衰綱紀散壞下陵上替諸侯 冰至書曰一日二日萬幾謂此類也故曰分莫大於名 てこり見 1117 通鍋紀事本末

齊白公之於楚紹伯之於晉其勢皆足以逐君而自為 然思數百年宗主天下雖以晉楚齊秦之殭不敢加者 不能守而并棄之也先王之禮於斯盡矣或者以為當 然而卒不敢者豈其力不足而心不忍哉乃畏好名 何哉徒以名分尚存故也至於季氏之於魯田常之於 分而天下共誅之也令 晉大夫暴 蔑其君剖分晉國天 以周之地則不大於曹滕以周之民則不衆於邾莒 既不能討又競秩之使列於諸侯是區區之名分復 犯

多与日居 白書

欠とり事とい 賢之後為諸侯者社稷無不泯絕生民之類糜滅幾盡 故三晉之列於諸侯非三晉之壞禮乃天子自壞之也 而天子許之是受天子之命而為諸侯也谁得而討之 臣天下苟有桓文之君必奉禮義而征之令請於天子 是之時周室微弱三晉禮盛雖欲勿許其可得乎是大 嗚呼君臣之禮既壞矣則天下以智力相雄長逐使聖 請於天子而自立矣不請於天子而自立則為悖逆之 不然夫三晉雖殭苟不顧天下之誅而犯義侵禮則不 通艦紀事本末

藝畢給則賢巧文辯慧則賢强毅果敢則賢如是而甚 者五其不逮者一也美鬚長大則賢射御足力則賢伎 豈不哀哉 金万口匠人門 簡子之子長日伯魯幼曰無恤将置後不知所立乃書 初智宣子将以瑶為後智果曰不如宵也瑶之賢於人 訓戒之辭於二簡以授二子曰謹識之三年而問之伯 果立瑶也智宗必滅弗聽智果别族於太史為輔氏趙 不仁夫以其五賢陵人而以不仁行之其誰能待之若

求其簡出諸袖中而奏之於是簡子以無恤為賢立以 魯不能舉其辭求其簡已失之矣問無恤誦其辭甚習 久已日日 白 伯曰難将由我我不為難誰敢與之對曰不然夏書有 宣子卒智襄子為政與韓康子魏桓子宴於藍臺智伯 為後簡子使尹鐸為晉陽請曰以為酶絲乎抑為保障 戲康子而侮段規智國聞之諫曰主不備難必至矣智 有難而無以尹鐸為少無以晉陽為遠必以為歸及智 乎簡子曰保障哉尹鐸損其户數簡子謂無恤曰晉國 通鑑紀事本末

故無大患今主一宴而恥人之君相又弗備曰不敢 魏桓子桓子欲弗與任章曰何故弗與桓子曰無故 子曰善使使者致萬家之邑於智伯 伯請地於韓康子康子欲弗與段規曰智伯好利而愎 難無乃不可乎蜗蟻蜂蠆皆能害人況君相乎弗聽 之曰一人三失怨豈在明不見是圖夫君子能勤小 金月四月 白書一二 不與将伐我不如與之彼狂於得地必請於他人他 不與必嚮之以兵然後我得免於患而待事之變矣 智伯悅又求地

襄子弗與智伯怒帥韓魏之甲以攻趙氏襄子将出曰 復與之萬家之邑 擇交而圖智氏矣奈何獨以吾為智氏質乎桓子曰善 之人智氏之命必不長矣周書曰将欲敗之必姑輔 伯 吾何走乎從者曰長子近且城厚完襄子曰民罷力以 将欲取之必姑與之主不如與之以縣智伯然後可以 地故弗與任章曰無故索地諸大夫必懼吾與之地智 必驕彼驕而輕敵此懼而相親以相親之兵待輕 智伯又求蔡皐狼之地於趙襄子 敵

久世四年 白馬

通鑑紀事本末

金少世月八十二 晉陽三家以國人圍而灌之城不浸者三版沈竈産 襄子曰後民之膏澤以實之又因而殺之其誰與我其 完之又斃死以守之其誰與我從者曰邯鄲之倉庫實 民無叛意智伯行水魏桓子御韓康子縣乘智伯曰吾 晉陽乎先主之所屬也尹鐸之所寬也民必和矣乃走 以汾水 韓魏必反矣智伯曰子何以知之絲疵曰以人事 知水可以亡人國也桓子肘康子康子履桓子之 可以准安邑絳水可以灌平陽也絲疵謂 卷上上

THE TOTAL STATE 趙氏之田而欲為危難不可成之事乎二子出絲疵 於二家而解於攻趙氏也不然夫二家豈不利朝夕分 勝趙而三分其地城不沒者三版人馬相食城降有日 知之夫從韓魏之兵而攻趙趙亡難必及韓魏矣令約 臣見其視臣端而趨疾知臣得其情故也智伯不悛絲 日主何以臣之言告二子也智伯日子何以知之對日 之言告二子二子曰此夫讒臣欲為趙氏游說使主疑 而二子無喜志有憂色是非反而何明日智伯以稀疵 通鑑紀事本末

之襄子将卒犯其前大敗智伯之衆逐殺智伯盡減智 之吏而決水灌智伯軍智伯軍救水而亂韓魏翼而擊 除與張孟談約為之期日而遣之襄子夜使人殺守踶 矣張孟該曰謀出二主之口入臣之耳何傷也二子乃 矣二子曰我心知其然也恐事未遂而謀泄則禍立至 多月口月 氏之族惟輔果在 疵請使於齊趙襄子使張孟談潛出見二子曰臣聞 則齒寒今智伯帥韓魏而攻趙趙亡則韓魏為之次 白量 **米**一上

火足り事とき 夢之竹天下之勁也然而不矯揉不羽括則不能以 得聖人君子而與之與其得小人不若得愚人何則君 德勝才謂之君子才勝德謂之小人凡取人之術尚不 堅掌谿之金天下之利也然而不鎔範不砥礪則不能 才正直中和之謂德才者德之資也德者才之帥也雲 之能辨通謂之賢此其所以失人也夫聰察殭毅之謂 以擊殭是故才德全盡謂之聖人才德兼亡謂之思人 臣光日智伯之亡也才勝德也夫才與德異而世俗莫 通鑑紀事本末

者多矣豈特智伯哉故為國為家者茍能審於才德之 來國之亂臣家之敗子才有餘而德不足以至於顛覆 害豈不多哉德者人之所嚴而才者人之所愛愛者易 善智不能周力不能勝譬之乳狗搏人人得而制之小 金グロル 親嚴者易疎是以察者多蔽於才而遺於德自古昔以 人智足以逐其姦勇足以決其暴是虎而異者也其為 不至矣挾才以為惡者惡亦無不至矣愚者雖欲為不 子挾才以為善小人挾才以為惡挾才以為善者善無 15 1112 老一上

幸子乃為所欲為顧不易邪何乃自苦如此求以報仇 **廁襄子如廁心動索之獲豫讓左右欲殺之襄子曰智伯** 豫讓又添身為癩吞炭為啞行七於市其妻不識也行 臣豫讓欲為之報讐乃詐為刑人挾匕首入襄子宫中塗 分而知所先後又何失人之足患哉 とこり見られる 見其友其友識之為之泣曰以子之才臣事趙孟必得近 三家分智氏之田趙襄子添智伯之頭以為食器智伯之 死無後而此人欲為報仇真義士也吾謹避之耳乃舍之 通鑑紀事本末

早卒立其子浣為趙氏後襄子卒弟桓子逐浣而自立 立也有子五人不肯置後封伯魯之子於代曰代成君 不亦難乎豫讓日不可既已委質為臣而又求殺之是 迎院而立之是為獻子獻子生籍是為烈侯魏斯者桓 襄子至橋馬鶴索之得豫讓遂殺之襄子為伯魯之不 下後世之為人臣懷二心者也襄子出豫讓伏於橋下 二心也凡吾所為者極難耳然所以為此者将以愧天 年卒趙氏之人日桓子立非襄子意乃共殺其子復

多分四月百十

是時河山以東殭國六淮泗之間小國十餘楚魏與秦 周顯王七年春獻公薨子孝公立孝公生二十 去已而知文侯以講於己也皆朝于魏魏由是始大於 聞命趙借師於魏以伐韓文侯應之亦然二國皆怒而 子之孫也是為文侯韓康子生武子武子生度是為景 三晉諸侯莫能與之爭 侯韓借師於魏以伐趙文侯曰寡人與趙兄弟也不敢 秦并六國 一年矣

久己日東白島 ~

通鑑紀事本末

莫大馬獻公即位鎮撫邊境徙治櫟陽且欲東伐復 東平晉亂以河為界西霸戎翟廣地千里天子致伯諸 接界魏築長城自鄭濱洛以北有上郡楚自漢中南有 侯畢賀為後世開業甚光美會往者厲躁簡公出子之 是孝公發憤布德修政欲以殭秦 巴點中皆以夷狄同秦擯斥之不得與中國之會盟於 金グロたと言 不寧國家內憂未追外事三晉攻奪我先君河西地聽 年孝公今國中日昔我穆公自岐雅之間修德行武

人上日日日 上小 於是衛公孫鞅聞是今下乃西入秦公孫鞅者衛之庶 王許諾而去公叔名鞅謝曰吾先君而後臣故先為君 聽之王默然公叔曰君即不聽用鞅必殺之無今出境 病魏惠王往問之曰公叔病有如不可諱將奈社稷 孫也好刑名之學事魏相公孫痤痤知其賢未及進會 心廣客犀臣有能出奇計殭秦者吾且尊官與之分土 公之故地修務公之政令寡人思念先君之意常痛於 公叔曰痤之中庶子衛鞅年雖少有奇才願君與國而 通鑑紀事本末

豈不悖哉衛鞅既至秦因嬖臣景監以求見孝公說以 富國殭兵之術公大悅與議國事 病甚悲乎欲今寡人以國聽衛鞅也既又勸寡人殺之 又安能用子之言殺臣乎卒不去王出謂左右曰公叔 謀後以告子子必速行矣鞅曰君不能用子之言任 不謀於眾是以聖人茍可以殭國不法其故甘龍曰不 ·年衛鞅欲變法秦人不悅衛鞅言於秦孝公曰夫民 可與應始可與樂成論至德者不和於俗成大功者

金少旦是

1217 THE

學者弱於所聞以此兩者居官守法可也非所與論於法 然緣法而治者吏習而民安之衛鞅曰常人安於故俗 怠而貧者舉以為収拏宗室非有軍功論不得屬籍 刑大小修力本業耕織致栗帛多者復其身事末利及 同罰有軍功者各以率受上爵為私屬者各以輕重被 曰善以衛鞅為左庶長卒定慶法之令令民為什伍而 人已日日白色 外也智者作法愚者制馬賢者更禮不肖者拘馬公 収司連坐告姦者與斬敵首同賞不告姦者與降 通鑑記事本末 :

立三丈之木於國都市南門募民有能從置北門者子 榮無功者雖富無所芬華今既具未布恐民之不信乃 之朝子五十金乃下今今行春年秦民之國都言新令 上犯之太子君嗣也不可施刑刑其傳公子處點其師 尊卑爵秩等差各以差次名田宅臣妾衣服有功者顯 公孫賈明日秦人皆趨今行之十年秦國道不拾遗山 十金民怪之莫敢徙復曰能徙者子五十金有一人徙 不便者以千數於是太子犯法衛鞅曰法之不行自 卷一上

金好工匠人門

久足り事と時 之於邊其後民莫敢議令 無盜賊民勇於公戰怯於私關鄉邑大治秦民初言令 其父子上不信下下不信上上下離心以至於敗所 信無以使民非民無以守國是故古之王者不欺四海 不便者有來言令便者衛鞅曰此皆亂法之民也盡遷 臣光曰夫信者人君之大寶也國保於民民保於信非 親不善者反之欺其鄰國欺其百姓甚者欺其兄弟欺 霸者不欺四鄰善為國者不欺其民善為家者不欺其 通銀紀事本末

立侯 虞人之期秦孝公不廢徙木之賞此四君者道非粹白 金罗里五 不能樂其所傷所獲不能補其所亡豈不良哉昔齊 不敢忘信以畜其民況為四海治平之政者哉難數 而商君尤稱刻薄又處戰攻之世天下趨於訴力猶 公不背曹沫之盟晉文公不貪伐原之利魏文侯不棄 四年秦孝公魏惠王會于杜平 年秦敗韓師于西山 昭侯 E

久世日草山き 十五年秦敗魏師于元里斬首七千級取少梁 **侯太** 立子 **墾凡三十** 兄弟同室内息者為禁并諸小鄉聚集為一縣縣置今 十九年秦商鞅築冀闕官庭於咸陽徙都之令民父子 十七年秦大良造衛鞅伐魏 肃 年秦衛鞅圍魏固陽降之 年春商鞅更為賦稅邊行之 縣發井田開阡陌平斗桶權衛丈尺越成 通鑑紀事本末

金月口屋 山之固東鄉以制諸侯此帝王之業也公從之使衛鞅 腹心之疾非魏并秦秦即并魏何者魏居衛死之西都 侯畔之可因此時代魏魏不支秦必東徙然後秦據 **权地令以君之賢聖國賴以威而魏往年大破於齊諸** 官帥師會諸侯于逢澤以朝王 安邑與秦界河而獨擅山東之利利則西侵秦病則東 二十六年王致伯于秦諸侯皆賀秦秦孝公使公子少 二十九年衛鞅言於秦孝公曰秦之與魏譬若人之有

1217 I

久足四年主 三十一年秦孝公薨子惠文王立公子虔之徒告商君 封衛鞅商於十五邑號曰商君 與公子面相見盟樂飲而罷兵以安秦魏之民公子印 子印書日吾始與公子雕令俱為兩國將不恐相攻可 将兵伐魏魏使公子印将而禦之軍既相距衛鞅遺公 和因去安邑徒都大梁乃嘆曰吾恨不用公叔之言奏 因攻魏師大破之魏惠王恐使使獻河西之地於秦以 以為然乃相與會盟已飲而衛鞅伏甲士襲虜公子印 通鑑紀事本末 威王商立楚宣王薨子 支

三十四年秦伐韓拔宜陽 欲反發吏捕之商君亡之魏魏人不受復納之泰商君 被甲兵者以趙之為蔽其南也且秦之攻燕也戰於千 王不用其言蘇秦乃去說燕文公曰燕之所以不犯寇 里之外趙之攻燕也戰於百里之内夫不憂百里之患 乃與其徒之商於發兵北擊鄭秦人攻商君殺之車裂 十六年 , 徇盡滅其家 初洛陽人蘇秦說秦王以兼天下之称

金厂厂口

近と言言

秦之攻韓魏也無有名山大川之限稍鑑食之傳國都 莫如趙然而秦不敢舉兵伐趙者畏韓魏之議其後也 中於趙矣臣以天下之圖案之諸侯之地五倍於秦料 而止韓魏不能支秦必入臣於秦秦無韓魏之規則禍 肅侯曰當令之時山東之建國莫殭於趙秦之所害亦 CELD not Action 度諸侯之卒十倍於秦六國為一并力西鄉而攻秦秦 則燕國必無患矣文公從之資蘇秦車馬以說趙 通鑑紀事本末

而重千里之外計無過於此者願大王與趙從親天下

計莫如一 必破矣夫衡人者皆欲割諸侯之地以與秦秦成則 說厚待蘇泰尊罷賜資之以約於諸侯會秦使犀首伐 權恐喝諸侯以求割地故願大王熟計之也竊為大 身富榮國被秦患而不與其憂是故衡人日夜務以秦 親以擯奉秦甲必不敢出於函谷以害山東矣肅侯大 相會於洹水之上通質結盟約曰秦攻一國五國各出 銳師或撓秦或救之有不如約者五國共伐之諸侯從 | 韓魏齊楚燕趙為從親以畔秦今天下之

**坟四屋台書** 

蘇秦陰遣其舍人齊金幣資儀儀得見秦王秦王說之 楚蘇秦故名而辱之儀怒念諸侯獨秦能苦趙逐入秦 縱横之術蘇秦自以為不及也儀游諸侯無所遇困於 秦恐泰兵至趙而敗從約念莫可使用於秦者乃激怒 魏大敗其師四萬餘人禽將龍賈取雕陰且欲東兵蘇 君莫能得素柄故激怒君使臣除奉給君資盡蘇君之 以為客卿舍人辭去曰蘇君憂秦伐趙敗從約以為非 張儀入之於秦張儀者魏人與蘇秦俱事思谷先生學 くこうう 1.1.1. 通鑑紀事本末

多方匹库全書! 與則無地以給之不與則棄前功受後禍且大王之地 王事素秦必求宜陽成學今兹効之明年又復求割地 卒之勇被堅甲蹠勁弩帶利劒一人當百不足言也大 勁弩利劒皆從韓出韓卒超足而射 百發不服止以韓 宣惠王曰韓地方九百餘里带甲數十萬天下之强弓 明矣為吾謝蘇君蘇君之時儀何敢言於是蘇秦說韓 計謀也張儀曰嗟乎此吾在術中而不悟吾不及蘇君 有盡而秦之水無已以有盡之地逆無已之求此所

十萬蒼頭二十萬奮擊二十萬厮徒十萬車六百乘騎 臣竊量大王之國不下楚令竊聞大王之卒武士二 之界車馬之多日夜行不絕轉割殷殷若有三軍之衆 千里地名雖小然而田舍 廬鹿之數鲁無所寫牧人民 竊為太王羞之韓王從其言蘇秦說魏王曰大王之地方 為牛後大以大王之賢挾殭韓之兵而有牛後之名臣 市怨結禍者也不戰而地已削矣鄙諺曰寧為雞口無 五千匹乃聽於犀臣之說而欲臣事秦願大王熟察之

沙定四車全書!

通继犯事本末

肩摩連在成惟揮汗成雨夫韓魏之所以重畏秦者為 發於遠縣而臨淄之卒固己二十一萬矣臨淄甚富而 海也臨淄之中七萬户臣竊度之不下户三男子不待 如雷霆解如風雨即有軍役未當倍泰山絕清河涉渤 故敝邑趙王使臣効愚計奉明約在大王之詔詔之魏 實其民無不關雞走狗六博關鞠臨淄之塗車轂擊人 甲數十萬栗如丘山三軍之良五家之兵進如鋒矢戰 王聽之蘇秦說齊王日齊四塞之國地方二千餘里帶

欠しり 日 とは 也是故恫疑虚喝驕於而不敢進則秦之不能害齊亦 干人不敢過也素雖欲深入則狼顧恐韓魏之議其後 道經乎充父之險車不得方軌騎不得比行百人守險 之臣也令秦之攻齊則不然倍韓魏之地過衛陽晉之 國已危亡隨其後是故韓魏之所以重與秦戰而輕為 與秦接境壞也兵出而相當不十日而戰勝存亡之機 決矣韓魏戰而勝秦則兵半折四境不守戰而不勝則 明矣夫不深料秦之無奈齊何而欲西面而事之是羣 通鑑紀事本末

部委社稷奉宗廟練士屬兵在大王之所用之故從 以孤秦臣請令山東之國奉四時之獻以承大王之 秦弱秦殭则楚弱其勢不兩立故為大王計莫如從 匹栗支十年此霸王之資也泰之所害莫如楚楚殭則 臣之計過也今無臣事秦之名而有殭國之實臣是故 天下之殭國也地方六千餘里帶甲百萬車千乗騎萬 願大王少留意計之齊王許之乃西南說楚威王曰楚 諸侯割地以事楚衡合則楚 割地以事素此兩策者 明

**重り口屋 台門** 

三十九年素代魏圍焦曲沃魏入少梁河西地于秦 皆解趙人決河水以灌齊魏之師乃去 三十七年春惠王使犀首欺齊魏與共伐趙以敗從約趙 宣恵 欠百日草を 和於秦皇華陰 肅侯讓蘇秦蘇秦恐請使燕必報齊蘇秦去趙而從 長并相六國北報趙車騎輜重擬於王者 相去遠矣大王何居馬楚王亦許之於是蘇泰為從 齊威王薨子 宣王辟疆立 通點紅事本末 热文 子易王立 公费 魏以陰晉為 韓 Ŧ 侯费 髙 成

四十二 四十 金厂厂厂厂 上郡十五縣以謝馬儀歸而相泰 魏王日秦之遇魏甚厚魏不可以無禮於秦魏因盡 於秦王請以蒲陽復與魏而使公子繇質於魏儀 四十年秦伐魏度河取汾陰皮氏拔焦 四十五年 四十四年 年素歸 年秦公子華張儀帥師圍魏蒲陽取之張儀 秦張儀帥師伐 夏四月戊午秦初稱 焦曲沃于魏 親取俠 王 四 子武靈 -1-Ξ 年 £ 趙 立 肃 槐王 侯 立 因 說

1.5

國之 四十六年秦張儀及齊楚之相會齧桑 んこり 周慎親王二年秦伐韓取耶 秦而諸侯効之魏王不聽秦王伐魏取曲沃平周復陰 四十七年秦張儀自醫桑還而免相相魏欲今魏先事 厚張儀益甚 年楚趙魏韓燕同伐秦攻函谷關秦人出兵逆之五 師皆敗走 年王崩子慎靚王定立 7.1 A.IT 通鐵紀事本末 魏惠王薨 子噲立燕易王薨 襄 王立

相殺傷而欲恃反覆蘇秦之謀其不可成亦明矣大王 過十萬深之地勢固戰場也夫諸侯之約從盟洹水之 濁澤諸侯振恐齊大夫與蘇泰爭寵使人刺秦殺之張 四年秦敗韓師于脩魚斬首八萬級虜其將啟申差于 平無名山大川之限卒戍楚韓齊趙之境守亭障者不 不事秦秦下兵攻河外據卷行酸聚劫衛取陽晉 ,結為兄弟以相堅也令親兄弟同父母尚有爭錢財 說魏襄王曰梁地方不至千里卒不過三十萬地四

金分四月白書

大王之國欲母危不可得也故願大王審定計議且賜 五年巴蜀相攻擊俱告急于秦秦惠王欲伐蜀以為道 儀曰不如伐韓王曰請聞其說儀曰親魏善楚下兵三 險阪難至而韓又來侵猶豫未能決司馬錯請伐蜀 骸骨魏王乃倍從約而因儀以請成于泰張儀歸復相 てこり ラーハーラ 攻 不南趙不南則深不北梁不北則從道絕從道絕則 新城宜陽以臨二周之郊據九鼎按圖籍挾天 通錯紀事本末

攻之壁如使豺狼逐犀羊得其地足以廣國取其財足 於易夫蜀西僻之國而戎翟之長也有桀紂之亂以秦 德三資者備而王隨之矣令主地小民貧故臣願先從事 富國者務廣其地欲殭兵者務富其民欲王者務博其 馬顧爭於我程去王業遠矣司馬錯曰不然臣聞之欲 朝 以富民繕兵不傷衆而彼已服馬故拔一國而天下 爭利者於市今三川周室天下之朝市也而王不爭

以令於天下天下莫敢不聽此王業也臣聞爭名者於

多月四月 白書

謂危也不如代蜀完王從錯計起兵代蜀十月取之貶 蜀王更號為侯而使陳莊相蜀蜀既屬秦秦以益殭富 解乎楚魏以門與楚以地與魏王弗能止也此臣之所 鼎韓自知亡三川将二國并力合謀以因乎齊趙而求 論其故周天下之宗室也齊韓之與國也周自知失九 未必利也又有不義之名而攻天下所不欲危矣臣請 附也而又有禁暴止亂之名令攻韓劫天子惡名也而 こうう とよう 通然犯事本未 Ī

以為暴利盡四海而天下不以為貪是我一舉而名實

六年王崩子根王延立 多分四月全書 厚輕諸侯 通鑑紀事 本末卷一上 相子之國

哈王 敗韓於岸門韓太子倉入質于秦以和 欽定四庫全書 周報王元年魏人叛秦秦人伐魏取曲沃而歸其人又 たこり軍人は 一年素占更疾伐趙拔趙虜其将莊豹 通鑑紀事本末卷一下 洛王地立 立子 一 泰并六國 通程記事本末 宋 **表樞** 之靡伐燕 撰 逐取 殺子

臣閉 夫秦之所以重楚者以其有齊也令閉關絕約於齊 說 患齊楚之從親乃使張儀至楚說楚王曰大王誠能聽 得六百里地何事也對曰不然以臣觀之商於之地 為大王箕帚之妄秦楚娶婦嫁女長為兄弟之國楚王 可得而齊秦合齊秦合則患必至矣王曰有說乎對 狐秦奚貪夫狐國而與之商於之地六百里張儀 而許之屋臣皆賀陳較獨弔王怒曰寡人不與師而 閣絕約於齊臣請獻商於之地六百里使秦女得 至

金八口

Ē

を一下

與吾地絕齊未晚也王曰願陳子閉口母後言以待家 黑齊王齊王大怒折節而事泰齊秦之交合張儀乃朝 秦必負王是王北絕齊交西生患於秦也兩國之兵必 大三日屋 白雪 見楚使者曰子何不受地從其至其廣表六里使者於 人得地乃以相印授張儀厚賜之遂閉關絕約於齊使 俱至為王計者不若陰合而陽絕於齊使人隨張儀茍 日儀以寡人絕齊未甚邪乃使勇士宋遺借宋之符儿 将軍隨張儀至秦張儀佯墮車不朝三月楚王聞之 通鑑犯事本未

内兵以復襲秦戰於藍田楚 屈匄及列侯執珪七十餘人 聽使屈勻帥師伐秦秦亦發兵使庶長章擊之 吾合秦齊之交而來天下之兵也國必大傷矣楚王不 言乎攻之不如因賂以一 還報楚王楚王大怒欲發兵而攻秦陳軫曰軫可發 金月口屋 一年春秦師及楚戰於丹陽楚師大敗斬甲士八萬虜 地於秦取償於齊也今王已絕於齊而責欺於秦是 白量 名都與之并兵而攻齊是我 逐取漢中 師大敗韓魏聞楚之困 那楚王悉發國

以之均庫全書-行 楚王曰不願易地願得張儀而獻縣中地張儀聞之請 鄭袖 鄭 | 較楚至鄧楚人聞之乃引兵歸割兩城以請平于泰 施 四年秦惠王使人告楚懷王請以武關之外易黔中 在楚不宜敢取臣且臣善其嬖臣靳尚靳尚得事幸姬 是為昭王人共立太子 袖袖之言王無不聽者逐往楚王囚将殺之靳尚 王曰楚将甘心於子奈何行張儀曰秦殭楚弱大王 日秦王甚爱張儀将以上庸六縣及美女贖之王 幹 宣惠王薨 襄王 通鑑紀事本末 倉 地

秦西有巴蜀治船積栗浮岷江而下一日行三百餘 儀因說楚王曰夫為從者無以異於驅犀羊而攻猛虎 楚王曰臣各為其主耳令殺張儀泰必大怒妄請子母 重地尊春春女必贵而夫人斥矣於是鄭袖日夜泣於 不至十日而距杆關杆關騰則從境以東盡城守兵點 俱遷江南母為秦所魚肉也王乃赦張儀而厚禮之張 不格明矣令王不事秦秦劫韓驅梁而攻楚則楚危矣 巫郡非王之有秦樂甲出武關則北地絕泰兵之攻

卷一下

, 楚也危難在三月之内而楚待諸侯之救在半歲之外 韓地險惡山居五穀所生非散而麥國無一歲之食見 會戰秦人捐甲徒楊以超敵左挈人頭右挾生虜夫戰 孟賁烏獲之士以攻不服之弱國無異垂千鈞之重於 卒不過二十萬秦被甲百餘萬山東之士被甲蒙胄而 得張儀而重出點中地乃許之張儀遂之韓說韓王曰 夫待弱國之救忘殭秦之禍此臣所為大王患也大王 能聽臣請令秦楚長為兄弟之國無相攻伐楚王已

久足刀軍 公告

通鑑紀事本末

眾兵殭士勇雖有百秦将無奈齊何大王賢其說而 大王計莫如事泰而攻楚以轉禍而悅秦計無便於此 計其實令秦楚嫁女娶婦為昆弟之國韓獻宜陽深効 者韓王許之張儀歸報秦王封以六邑號武信君復使 皐則王之國分矣鴻臺之宫桑林之苑非王之有也為 鳥印之上必無幸矣大王不事秦秦下甲據宜陽塞成 東說齊王日從人說大王者必曰齊蔽於三晉地廣民 河外趙王入朝割河間以事秦大王不事秦泰驅韓梁 不

金グロ

11111

オート

大足り事会等 軍於渑池願渡河踰漳據番吾會邯鄲之下願以甲子 秦雖僻遠然而心忿含怒之日久矣令秦有敬甲凋兵 也今以大王之力舉巴蜀并漢中包兩周守白馬之津 兵力田積粟愁居懾處不敢動搖唯大王有意督過之 还谷關十五年大王之威 行於山東 散邑恐懼繕甲属 儀去西說趙王曰大王収率天下以嬪秦秦兵不敢出 有也國一日見攻雖欲事秦不可得也齊王許張儀張 攻齊之南地悉趙兵渡清河指博關臨淄即墨非王之 通鑑紀事本末

得乎今秦發三将軍其一軍塞午道告齊使渡清河 弟之國而韓梁稱東藩之臣齊獻魚鹽之地此斷趙之 右肩也夫斷右肩而與人關失其黨而狐居求欲母危 合戰正殷紂之事謹使使臣先聞左右令楚與素為昆 一計莫如與秦王面相約而口相結常為兄弟之國也 邯鄲之東一 王許之張儀乃北之燕說燕王曰令趙王已入朝 池約四國為一 一軍軍成斗驅韓梁軍於河外 以攻趙趙服必四分其地臣竊為大 軍軍於

金りせ

Ė

11.11

燕則易水長城非大王之有也且今時齊趙之於秦猶 人三日日 白色 五年張儀說秦武王曰為王計者東方有變然後王可 秦惠王薨子武王立武王自為太子時不說張儀及即 矣燕王請獻常山之尾五城以和張儀歸報未至成陽 那縣也不敢妄舉師以攻伐今王事泰長無齊趙之患 位犀臣多毀短之諸侯聞儀與秦王有隙皆畔衡復合 問以事春大王不事春春下甲雲中九原驅趙而攻 通鑑紀事本末

謀矣欲齊梁相攻而今春取三川也今王果伐梁是王 於秦也齊王曰何故楚使者曰張儀之去秦也固與秦王 罷兵乃使其舍人之楚借使謂齊王曰甚矣王之託儀 以多割得地也臣聞齊王甚僧臣臣之所在必伐之臣 内罷國而外伐與國以信儀於秦王也齊王乃解兵還 顧乞其不肖之身以之梁齊必代梁齊梁交兵而不能 王許之齊王果代梁梁王恐張儀曰王勿患也請令齊 相去王以其問伐韓入三川扶天子案圖籍此王業也

金号四层三言

六年 钦定四庫全書-壽輔行甘茂至魏今向壽還謂王曰魏聽臣矣然願 七年秦魏會于應 於天下務以辯訴 亦 位富貴天下爭慕效之又有魏人公孫行者號曰犀首 張儀相魏一歲卒儀與蘇秦皆以縱横之術遊諸侯致 魏王會於臨晉 以該說顧名其餘蘇代蘇屬周最樓緩之徒紛紛 秦初置丞相以樗里疾為右丞相 相高不可勝紀而儀素行最著 秦王使甘茂約魏以代韓而令 通鑑紀事本末 向 徧

名者殺人人告其母其母織自若也及三人告之其母 今樂羊将而攻中山三年而拔之反而論功文侯示 即也今王倍數險行千里攻之難魯人有與曾參同姓 勿伐王此甘茂於息壤而問其故對曰宜陽大縣 如其母疑臣者非特三人臣恐大王之投杼也魏文 旅之臣也樗里子公孫奭挟韓而議之王必聽 下機酚墙而走臣之賢不若曾参王之信臣又不 **箧樂羊再拜稽首曰此非臣之功君之力也** 其實 侯

皆至大官八月王與孟說舉鼎絕脈而薨族孟說武王 文色四重全書 請與子盟乃盟于息壤秋甘茂庶長封帥師伐宜陽 是王欺魏王而臣受公仲侈之怨也王曰寡人非聽也 於秦以請平 悉起兵以佐甘茂斬首六萬遂拔宜陽韓公仲侈入謝 秦王召甘茂欲罷兵甘茂曰息壤在彼王曰有之因大 無子異母弟稷為質於熊國人逆而立之是為胎襄王 八年甘茂攻宜陽五月而不拔樗里子公孫奭果爭之 秦武王好以力戲力士任都烏雅盆說 通鑑紀事本末

武王時任職用事武王薨諸弟爭立唯魏冉力能立昭 芊戎王之同母弟曰髙陵君涇陽君魏冉最賢自恵王 而罷兵甘茂奔齊趙王使樓緩之秦 由此怨說甘茂茂懼報代魏蒲阪亡去樗里子與魏講 十年泰宣太后異父弟曰穰侯魏冉同父弟曰華陽 茂言於王以武逐復歸之韓向壽公孫與爭之不能得 九年秦昭王使向壽平宜陽而使樗里子甘茂伐魏甘 月と言 卷一 楚王與齊韓合

請救秦客卿通将兵救楚三國引兵去 王后出歸于魏王兄弟不善者魏冉皆滅之王少宣太 久己日 日 台野 以楚負其從親合兵代楚楚王使太子橫為質於秦而 后自治事任魏冉為政威震秦國 諸公子謀作亂魏冉誅之及惠文后皆不得良死悼武 王昭王即位以魏冉為將軍衛成陽是歲庶長壮及大臣 二年秦取魏蒲阪晉陽封陵又取韓武逐 年秦王楚王盟于黄棘秦復與楚上庸 通鑑記事本末 齊韓魏

i

十四年秦人取韓穰 子殺之亡 歸 師斬首三萬殺其将景缺取楚襄城楚王恐使太子為 其師於重丘殺其将唐珠遂取重丘 而歸秦復與魏蒲阪 質於齊以請平秦樗里疾卒以趙人樓緩為丞相 十五年秦涇陽君為質於齊 三年秦王魏王韓太子嬰會于臨晉韓太子至咸 秦庶長與會韓魏齊兵伐楚敗 秦大夫有私與楚太子鬭者太 秦華陽君伐楚大破楚

多月口尼石書

表

大熊 A TENT TENT COUNTY 楚王書曰始寡人與王約為弟 兄盟於黄棘太子入質 九原南襲成陽於是詐自為使者入秦欲以觀秦地形 欲使子治國身胡服将士大夫西北略胡地将自雲中 十六年五月趙武靈王傅國於少子何自號主父主父 度使人逐之主父行已脫關矣審問之乃主父也秦人 及秦王之為人秦王不知已而怪其状甚偉非人臣之 至雕也太子陵殺寡人之重臣不謝而亡去寡人誠 齊王魏王會于韓 秦人代楚取八城秦王遗 **過鐵紀事本非** 

水平寡人與楚接境婚姻相親而令秦楚不難則無以 詐為王伏兵武關楚王至則閉關劫之與西至咸陽朝 之願也楚王患之欲往恐見欺欲不往恐秦益怒胎睢 令諸侯寡人願與君王會武關西相約結盟而去寡人 勝怒使兵侵君王之邊令聞君王乃令太子質於齊以 金月四月八十二 華臺如藩臣禮要以割巫縣中郡楚王欲盟秦王欲先 信也懷王之子子蘭勸王行王乃入秦秦王令一将軍 日母行而發兵自守耳秦虎狼也有并諸侯之心不可

炎七四事全書 中立王是吾抱空質而行不義於天下也其人曰不然 謀之或曰不若留太子以求楚之淮北齊相曰不可 郢中立王因與其新王市曰予我下東國吾為王叔 倍王命而立其庶子不宜乃訴赴於齊齊湣王召羣臣 以割地而太子為質於齊齊素合謀則楚無國矣欲立 得地楚王怒曰秦詐我而又殭要我以地因不復許秦 王子之在國者的雅曰王與太子俱因於諸侯而令又 人留之楚大臣患之乃相與謀曰吾王在秦不得還要 通鑑紅事本末 郢

子不然将與三國共立之齊王卒 用其相計而歸楚 藏中盗狐白裘以獻姬姬乃為之言於王而遣之王後 白裘已獻之秦王無以應姬求客有善為狗盗者入秦 人求解於秦王幸姬姬曰願得君孤白裘孟當君有 齊以請孟嘗君來入秦秦王以為丞相 子楚人立之 金ラロル 危哉秦王乃以樓緩為相囚孟當君欲殺之孟當君使 十七年或謂秦王曰孟嘗君為相必先齊而後秦秦其 1111 秦王聞孟當君之賢使涇陽君為質於

趙趙主父在代趙人不敢受懷王将走魏秦人追及之 欠記日華人 十九年楚懷王發病患於秦秦人歸其喪楚人皆憐之 以歸 将至客有善為雞鳴者野雞聞之皆鳴孟當君乃得脫 悔使追之孟當君至關關法雞鳴而出客時尚早追者 兵出武關擊楚斬首五萬取十六城 八年楚懷王亡歸春人覺之遮楚道懷王從問道走 楚人告于春日賴社稷神靈國有王矣春王怒發 通鑑紀事本末

鹽氏而還 金でクロールノニー 以代何壽将兵敗魏師韓師於伊閼斬首二十四萬級 如悲親戚諸侯由是不直秦 **虜公孫喜拔五城秦王以白起為國尉** 十二年韓公孫喜魏人伐秦穰侯薦左更白起於秦王 **釐王咎立** 韓襄王 薨 子 年秦尉錯伐魏襄城 一年秦敗魏師于解 秦與韓武遂與魏封陵以和 秦樓緩免相魏冉代之 齊韓魏趙宋同擊秦至 秦王遗枝 魏 子 襄王薨 王

次定四車全書! 人役故人主不務得道而廣有其勢是其所以危也 則百里之地可以獨立不善用之則楚六千里而為讎 也恐其父而婚其雠嗚呼楚之君誠得其道臣誠得其 戰楚王患之乃復與秦和親 人秦雖殭爲得陵之哉善乎筍卿論之曰夫道善用之 臣光曰甚哉秦之無道也殺其父而劫其子楚之不競 書曰楚倍秦秦且率諸侯伐楚願王之飭士卒得 二十三年楚襄王迎婦于秦 通盤紀事本末 ţ 樂

於穰與陶謂之穰侯 二十四年秦伐韓拔宛 秦魏冉謝病免以客卿燭壽為丞相 秦 二十六年秦大良造白起客鄉錯代魏至軹取城大小 二十五年魏入河東地四百里韓入武遂地二百里于 二十七年冬十月秦王稱西帝遣使立齊王為東帝欲 秦燭壽免魏冉復為丞相封

次定四軍全等 我以名尊秦而今天下僧之所謂以早為尊也齊王從 此大資也且伐趙孰與伐桀宋利今王不如釋帝以以 約與共代趙蘇代自燕來齊王曰秦使魏冉致帝子以 去帝復稱王 之稱帝二日而復歸之十二月召禮自齊入秦秦王亦 為何如對日願王受之而勿稱也泰稱之天下安之王 天下之望發兵以代禁宋宋舉則趙楚梁衛皆懼矣是 乃稱之無後也秦稱之天下惡之王因弗稱以収天 秦攻趙拔杜陽 通鐵紀事木木

也地大人衆未易獨攻也王必欲伐之莫如約趙及楚 技九城燕的王與樂毅謀伐齊樂毅曰齊霸國之餘業 伐齊之利諸侯惡齊王之騎暴皆爭合謀與熊伐齊 魏於是使樂教約趙別使使者連楚魏且令趙關秦以 三十年春王會楚王于宛會趙王于中陽秦蒙武擊 二十九年春司馬錯擊魏河内魏獻安邑以和秦出其 **一歸之魏** 年秦攻趙拔新垣曲陽 秦敗韓師于夏山

超王得楚和氏壁泰昭王欲之請易以十五城趙王欲 韓王會于京師 三十二年秦趙會于穰秦拔魏安城兵至大梁而還 於濟西齊師大敗 秦魏韓趙之兵以伐齊齊洛王悉國中之眾以拒之戰 師與三晉之師會之趙王以相國印授樂毅樂毅并将 大三日 日 八十二 勿與畏秦殭欲與之恐見數以問藺相如對曰秦以城 年燕王悉起兵以樂毅為上将軍秦尉斯離帥 執之弑王於鼓里齊落王出走楚淖盖 通銀紀事本末 秦王魏王

曲在秦均之二策寧許以負秦臣願奉壁而往使秦城 價趙城相如乃以訴給秦王復取壁遣從者問行歸趙 金月口屋 白咖! 求壁而王不許曲在我矣我與之壁而秦不與我城 而以身待命于秦秦王以為賢而弗誅禮而歸之趙王 不入臣請完璧而歸之趙王遣之相如至秦秦王無意 三十三年秦伐趙拔雨城 十四年秦代趙拔石城 相如為上大夫 臣相與求之立齊王子法章亡 秦穰侯復為丞相 之立 、 大 善 本 書 王 欲 則

久足四華全書 足以尊王令子欲誅殘天下之共主居三代之傅器器 人之攻之也必萬倍矣裂楚之地足以肥國註楚之名 虎肉臊而兵利身人猶攻之若使澤中之麋家虎之皮 者名為弑君然而猶有欲攻之者見祭器在馬故也夫 主裂其地不足以肥國得其衆不足以勁兵雖然攻之 圖武公日西周之地絕長補短不過百里名為天下共 子曰周不可圖也昭子曰乃圖周則無之雖然何不 通越紀事本末

與齊韓共伐泰因欲圖周王使東周武公謂楚令尹昭

三十六年秦白起伐楚取鄢郡西陵 秦王使使者告趙王 庸地 南則兵至矣於是楚計輟不行 與王訣曰王行度道里會遇之禮畢還不過三十日三 主不行示趙弱且怯也趙王遂行相如從廉頗送至境 願為好會于河外渑池趙王欲毋行廉煩藺相如計 司馬錯發隴西兵因蜀攻楚點中拔之楚獻漢北及上 三十五年秦白起敗趙軍斬首二萬取代光狼城又使

金ワロ月

11 11

請秦王擊岳泰王不肯相如日五步之內臣請得以頭 王太立主 |血濺大王矣左右欲刃相如相如張目叱之左右皆靡 三十七年春大良造白起伐楚拔郢燒夷陵楚襄王兵 為之備秦不敢動趙王歸國以藺相如為上卿 王不懌為 與趙王飲酒酣秦王請趙王鼓瑟趙王鼓之藺相如復 大心口声人 日不還則請立太子以絕秦望王許之會于渑池王 一擊缶罷酒秦終不能有加于趙趙人亦盛 通鑑犯事本末 王燕

武安君 立 釐王 散逐不復戰東北徙都于陳秦以郢置南郡封白起為 多月口匠と言 四十年秦相國穰倭代魏韓暴底救魏穰侯大破之 7 四萬暴為走開封魏納八城以和穰侯復伐魏走 入北宅遂圍大梁魏人割溫以和 九年素武安君伐魏拔兩城 年秦武安君定巫黔中初置黔中 郡 蔑魏 蹈 王

次定四車全書 萬 筮如秦見穰侯穰侯曰事 急乎故使公來陳筮曰未急 **枚韓相國謂陳筮曰事急矣願公雖病為一宿之行陳** 四十一年魏復與齊合從秦穰侯伐魏拔四城斬首四 急故復來耳穰侯曰請發兵矣乃與武安君及客卵 也穰侯怒曰何也陳筮曰彼韓急則将變而他從以未 四十二年趙人魏人代韓華陽韓人告急於秦秦王弗 陽救韓八日而至敗魏軍於華陽之下走芒卯虜三将 通假紀事本末 | <del>|</del> |

於河魏段干子請割南陽子秦以和蘇代謂魏王曰欲 如用泉也魏王不聽卒以南陽為和實修武 博之所以貴泉者便則食不便則止令何王之用智不 者制地魏地盡矣夫以地事秦猶抱新於火薪不盡火 **璽者段干子也欲地者秦也令王使欲地者制璽欲璽** 斬首十三萬武安君又與趙将賈偃戰沉其卒二萬 不滅王曰是則然也雖然事始已行不可更矣對曰夫 服於秦秦王将使武安君與韓魏伐楚未行而楚使者 韓親既

たこり事」を動う 黄歇至聞之畏泰乗勝一舉 而滅楚也乃上書曰臣聞 舉河内拔燕酸棗虚桃入邢魏之兵雲朔而不敢校王 守事於韓盛橋以其地入秦是王不用甲不信威而得 先王三世不忘接地於齊以絕從親之要今王使盛橋 物至則及冬夏是也致至則危累甚是也令大國之地 之功亦多矣王休甲息聚二年而後復之又并蒲行首 徧天下有其二垂此從生民以來 萬乘之地未嘗有也 百里之地王可謂能矣王又舉甲而攻魏杜大梁之門 通鑑紀事本末 九九

義之地使無後患三王不足四五伯不足六也王若負 狐涉水濡其尾此言始之易終之難也昔吳之信越也 北注齊秦之要絕趙楚之脊天下五合六聚而不敢 垣以臨仁平丘黄濟陽嬰城而魏氏服王又割濮磨 從而代齊既勝齊人於艾陵還為越王禽於三江之浦智 王之威亦單矣王若能保功守威絀攻取之心而 人徒之衆仗兵革之殭乗毀魏之威而欲以力臣天 之主臣恐其有後患也詩曰靡不有初鮮克有終易曰 肥

金月口厂

13 11

之殭韓魏也臣為王慮而不取也夫楚國援也鄰國敵 之殺智伯瑤於鑿臺之下今王妬楚之不毁而忘毀楚 久己の事全書 攻楚不亦過乎且攻楚将惡出兵王将借路於仇雠之 解除患而實欲欺大國也何則王無重世之德於韓魏 也今王信韓魏之善王此正吳之信越也臣恐韓魏 将十世矣故韓魏之不亡秦社稷之憂也今王資之與 而有累世之怨馬夫韓魏父子兄弟接踵而死於秦者 過鑑紀事本末

氏之信韓魏也從而伐趙攻晉陽城勝有日矣韓魏叛

攻楚 将 讎之韓 魏必攻隨水右壤此皆廣川大水山林谿谷 食之地是王有毀楚之名而無得地之實也且王攻楚 以臨韓韓必飲手而朝王施以東山之險帶以曲 日四國必悉起兵以應王秦楚之兵構而不離 出而攻留方與銓湖陵楊蕭相故宋必盡齊人南面 國莫殭於齊魏矣臣為王慮莫若善楚秦楚合而為 魏乎兵出之日而王憂其不返也王若不借路於 四上必舉此皆平原四達膏腴之地如此則 魏氏 天 仇

金げり

Ŀ

ノー

**欽定四庫全書** 歇歸約親於楚 國者不待痛而服矣王從之止武安君而謝韓魏使黃 無齊楚齊楚無熊趙也然後危動熊趙直搖齊楚此 内侯矣王一善楚而關內兩萬栗之地注地於齊齊右 四十三年楚以左徒黄歇侍太子完為質於秦 許鄢陵嬰城而上蔡名陵不往來也如此而魏亦 利韓必為關內之侯若是而王以十萬戌鄭深氏寒 可拱手而取也王之地一 韓 桓 釐 恵 通鑑紀事本末 £ 王薨子 立 經兩海要約天下是燕趙 主 泰置 四

人言急殺武安趙奢立斬之堅壁留二十八日不行復 益增壘素問入趙軍趙奢善食而遣之問以報秦将秦 師軍武安西鼓譟勒兵武安屋瓦盡振趙軍中候有 腰礕猶兩鼠關於穴中将勇者勝王乃令趙奢将兵救 之去邯鄲三十里而止令軍中曰有以軍事諫者死秦 四十五年秦代趙圍閣與趙王召廉頗樂乘而問之曰 南陽郡秦魏楚兵代燕 可救否皆曰道遠險陋難救問趙奢趙奢對曰道遠 热惠 武 成 Ŧ £ 薨子 立

於 定四事全十 請以軍事諫趙奢進之許歷曰秦人不意趙至此其來 北山上者勝後至者敗趙奢許諾即發萬人超之秦師 教許歷請刑趙奢曰胥後令邯鄲許歷復請諫曰先據 氣感将軍必厚集其陳以待之不然必敗趙奢曰請受 地也趙奢既已遣問卷甲而超一日一夜而至去閼與 将大喜曰夫去國三十里而軍不行乃增壘関與非趙 五十里而軍軍壘成秦師聞之悉甲而往趙軍士許歷 後至爭山不得上趙奢縱兵擊秦師秦師大敗解閼與 通鑑犯事本夫 Ī

謝守者乃請棄籍中死人魏齊醉曰可矣范雖得出魏 以懲後令無妄言者范雅謂守者曰能出我我必有厚 밽 使於齊齊襄王聞其辯口私賜之金及牛酒須賈以為 代齊取剛壽以廣其陶邑初魏人范睢從中大夫湏賈 齊悔復名求之魏人鄭安平逐操范睢亡匿更名姓曰 睢折齊招齒睢佯死卷以簣置風中使客醉者更溺 而還趙王封奢為馬服君 以國除事告齊也歸而告其相親齊魏齊怒答擊范 穰侯言客卿竈於秦王使

12 J

獨有太后穰侯耳王微聞其言乃屏左右既而請曰先 歸薦之於王王見之於離宫睢佯為不知永巷而入其 張禄素謁者王稽使於魏范睢夜見王稽稽潛載與俱 而未知王之心也此所以王三問而不敢對者也臣 王而所願陳者皆匡君之事處人骨肉之間願劾愚忠 幸教寡人邪范睢曰非敢然也臣羇旅之臣也交疎於 生何以幸教寡人對曰唯唯如是者三王曰先王卒不 王來而宦者怒逐之曰王至范睢謬曰秦安得王秦

.....

范睢曰以秦國之大士卒之勇以治諸侯譬若走韓盧 人之所必不免也的可以少有補於泰而死此臣之所 今日言之於前明日伏誅於後然臣不敢避也且死者 而搏蹇兔也而閉閣十五年不敢窺兵於山東者是穰 溷先生而存先王之宗廟也事無大小上及太后下至 跟日先生是何言也令者寡人得見先生是天以寡人 大願也獨恐臣死之後天下杜口裹足莫肯鄉秦耳王 大臣願先生悉以教寡人無疑寡人也范睢拜王亦

以觀王之俯仰因進曰夫穰侯越韓魏而攻齊剛壽非 肥韓魏也今王不如遠交而近攻得寸則王之寸也得 齊之罷散起兵而伐齊大破之齊幾於亡以其伐楚而 之地無得馬者豈不欲得地哉形勢不能有也諸侯見 計也齊湣王南攻楚破軍殺将再辟地千里而齊尺寸 願聞失計然左右多竊聽者范雖未敢言內先言外事 侯為秦謀不忠而大王之計亦有 所失也王跽曰寡人

次定四車全書——通報記事本末

夷

尺亦王之尺也今夫韓魏中國之處而天下之極也王

四十九年秦拔魏邢丘范睢日益親用事因乗問 四十七年秦王用范雎之 也王曰善乃以范雅為客卿與謀兵事 曰臣居山東時間齊之有孟當君不聞有王聞泰有太 四十六年素中更胡傷攻趙閼與不拔 (欲霸必親中國以為天 殭 則 年秦悼太子質於魏而卒 附楚楚趙皆附齊必懼矣齊附 謀使五大夫給伐魏拔 以威娃趙楚殭 則韓魏因可虜 則 懷 說 附

次定四車全書——·通照紀事本末 重 者危其國尊其臣者甲其主淖齒管齊射王股權王筋 臣又聞之木實繁者披其枝披其枝者傷其心大其都 有也為此四貴者下乃所謂無王也穰侯使者操王之 等擊斷無諱高陵進退不請四貴備而國不危者未之 生之謂王今太后擅行不顧穰侯出使不報華陽涇 后穰侯不聞有王夫擅國之謂王能利害之謂王制殺 決制於諸侯剖符於天下征敵伐國莫敢不聽戰勝 取則利歸於陷戰敗則結怨於百姓而禍歸於社稷 玉 陽

後有秦國者非王子孫也王以為然於是廢太后逐穰 無非相國之人者見王獨立於朝臣竊為王恐萬世之 覺悟故失其國令自有秩以上至諸大吏下及王左右 授者妬賢嫉能御下蔽上以成其私不為主計而主不 懸之於廟梁宿昔而死李兒管趙囚主父於沙丘百 侯髙陵華陽涇陽君於關外以范睢為丞相封為應侯 夫三代之所以亡國者君專授政於臣縱酒弋獵其所 而餓死令臣觀四貴之用事此亦淖齒李兒之類也且 H

久足四年 白馬 賓客坐須賈於堂下置望豆其前而馬食之使歸告魏 見欺乃膝行入謝罪應侯坐責讓之且曰爾所以得不 出問於門下門下曰無范叔鄉者吾相張君也須賈知 御 王曰連斬魏齊頭來不然且屠大梁須賈選以告魏齊 死者以綈袍戀戀尚有故人之意耳乃大供具請諸侯 曰范叔固無恙乎留坐飲食取一絲袍贈之逐為須賈 魏王使湏賈聘於秦應侯敝衣問步而往見之湏賈騰 而至相府曰我為君先入通於相君須賈怪其久不 通銷紀事生末

**塩其吮而奪之耳逐使秦王絕母子之義失甥舅之思** 雕之言若雕者亦非能為秦忠謀直欲得穰侯之處 穰侯之功也雖其專恣驕貪足以賈禍亦未至盡如記 郢東屬地於齊使天下諸侯稽首而事秦素益殭大者 要之睢真倾危之士哉 臣光曰穰侯援立昭王除其災害薦白起為将南取 五十年秦宣太后薨九月穰侯出之陶 魏齊奔趙匿於平原君家 鱼グロ 秦王以子安國君為太子 趙 孝 恵 成 Ŧ 丈 丹王 立莞 7 鄢

ノニー

火之四事全等 臣贱息舒祺最少不肖而臣衰竊憐愛之願得補 得母衰乎日恃粥耳太后不和之色 自 秦代趙取三城趙王新立太后用事求救於齊齊人曰 有所苦也故願望見太后太后曰老婦恃輦而行曰食 觸龍願見太后太后盛氣而胥之入左師公徐超而坐 必以長安君為質太后不可齊師不出大臣殭諫太后 謝曰老臣病足不得見久矣竊自恕而恐太后體之 謂左右曰復言長安君為質者老婦必唾其面左 通鑑起事本末 稍解左師公日 Ŧ 老 師

·竊以為媼之受熊后賢於長安君太后曰君過矣不若 之送熊后也持其踵而泣念其遠也亦哀之矣已行非 長安君之甚左師公曰父母愛其子則為之計深遠 少子乎對曰甚於婦人太后笑曰婦人異甚對曰老臣 五歲矣雖少願及未填溝壑而託之太后曰丈夫亦愛 不思也祭祀必祝之曰必勿使反豈非為之計長久為 鉄以衛王宫昧死以聞太后曰諾年幾何矣對曰十 孫相繼為王也哉太后曰然左師公曰今三世以前

人とり馬という 太后日諸恣君之所使之於是為長安君約車百乗質 今今有功於國一旦山陵崩長安君何以自託於趙哉 長安君之位而封之以膏腴之地多與之重器而不及 善哉位尊而無功奉厚而無勞而挾重器多也令媼尊 其近者禍及其身遠者及其子孫豈人主之子侯則 至於趙王之子孫為侯者其繼有在者乎曰無有曰此 五十一年素武安君伐韓拔九城斬首五萬 於齊齊師乃出秦師退 通程犯事本末 存襄 王薨 建 立

多分口屋 白雪 謀曰秦之留太子欲以求利也令太子力未能有以 與國而得儲萬乘也不歸則成陽布衣耳楚更立君必 襄王疾病黄歇言於應侯曰令楚王疾恐不起秦不如 五十二年春武安君代韓取南陽攻太行道絕之楚頃 秦也而陽文君子二人在中王若卒大命太子不在陽文 歸其太子太子得立其事秦必重而德相國無窮是親 王曰今太子之傅先往問疾反而後圖之黄歇與太子 不事秦是失與國而絕萬乘之和非計也應倭以告王

**人足四事全書** 五十三年楚人納州于秦以平武安君伐韓拔野王 考烈王即位以黄歇為相封以淮北地號曰春申君 王曰楚太子已歸出遠矣歇願賜死王怒欲聽之應侯 關而黃歇守含常為太子謝病度太子已遠乃自言於 俱出臣請止以死當之太子因變服為楚使者御以 君子处立為後太子不得奉宗廟矣不如亡秦與使者 而歸之以親楚王從之黃歇至楚三月秋楚頃襄王薨 日歇為人臣出身以狗其主太子立必用歇不如無罪 通鑑紀事本末

也韓氏所以不入於秦者欲嫁其獨於趙也泰服其勞 對日聖人甚禍無故之利王曰人樂吾德何謂無故 韓不能應不如以上黨歸趙趙受我秦必攻之趙被秦 黨路絕上黨守馮亭與其民謀曰鄭道已絕秦兵日 有城市邑十七願再拜獻之大王趙王以告平陽君 兵必親韓韓趙為一則可以當秦矣乃遣使者告於趙 日秦蠶食韓地中絕不令相通固自以為坐而受上黨 日韓不能守上黨入之秦其吏民皆安於趙不樂為秦

金り口

1: 1:1

巷

及足り軍人生 廉頗軍於長平以按據上黨民王說因代趙趙軍 五十五年秦左庶長王黇攻上黨拔之上黨民走趙 皆益爵三級馮亭垂涕不見使者曰吾不忍賣主地而 封其太守為華陽君以干户都三封其縣令為侯吏民 食之也 君平原君請受之王乃使平原君往受地以萬户都三 於殭大乎豈得謂之非無故哉不如勿受王以告平原 通監紀事本未 =

而趙受其利雖殭大不能得之於弱小弱小顧能得之

金ラロ 秦必不救王秦知天下之不救王則媾不可得成矣既 則秦疑天下之合從構乃可成也王不聽使鄭朱媾於 往請媾泰将不聽不如發使以重實附差親楚親受之 使為媽虞卿曰令制媽者在秦秦必欲破王之軍矣雖 不勝亡一神将四尉趙王與樓昌虞卿 而軍破矣何則天下之質戰勝者皆在秦矣夫鄭朱貴 秦秦受之王謂虞卿曰秦内鄭朱矣對曰王必不得 人也秦王應侯必顯重之以示天下天下見王之媽 F 謀樓昌請發重

人とり自己的 出趙王以頗失亡多而更怯不戰怒數讓之應倭又使 母問其故奢日兵死地也而括易言之使趙不将括則 賴相如曰王以名使括若膠柱鼓瑟耳括徒能讀其父 趙括為将耳廉頗易與且降矣趙王遂以趙括代頗将 而秦果顯鄭朱而不與趙媾秦數敗趙兵廉順堅壁不 書傳不知合變也王不聽初趙括自少時學兵法以天 人行干金於趙為反間曰秦之所畏獨畏馬服君之子 下莫能當嘗與其父奢言兵事奢不能難然不謂善括 通鑑紀事本末

括不可使王曰何故對曰始妾事其父時為将身所奉 於家而日視便利田宅可買者買之王以為如其父父 者盡以與軍吏士大夫受命之日不問家事令括 巳若必将之破趙軍者必括也及括将行其母上書言 為将東鄉而朝軍吏無敢仰視之者王所賜金帛歸藏 飯而進食者以十數所友者以百數王及宗室所賞賜 有不稱妄請無隨坐趙王許之秦王聞括已為趙将乃 子異心願王勿遣王曰母置之吾已決矣母因曰即

金月里是台雪

炎是可是全野 秦師武安君佯敗而走張二奇兵以劫之趙括乗勝追 武安君将者斬趙括至軍悉更約束易置軍吏出兵擊 **牧兵及糧食齊人楚人救趙趙人乏食請栗于齊齊王** 食道絕自如河内發民年十五以上悉詣長平遮絕趙 又五千騎絕趙壁間趙軍分而為二糧道絕武安君出 造秦壁壁堅拒不得入竒兵二萬五千人絕趙軍之後 輕兵擊之趙戰不利因築壁堅守以待救至秦王聞趙 通鑑紀事本末

陰使武安君為上将軍而王戴為禪将令軍中有敢泄

金万戸屋と 秦已拔上黨上黨民不樂為秦而歸趙趙卒及覆非盡 亡國威却殭秦不務為此而愛栗為國計者過矣齊王 奉漏甕沃焦釜然且救趙髙義也却秦師顯名也義救 亡則齒寒今日亡趙明日患及齊楚矣救趙之務宜若 戰秦人射殺之趙師大敗卒四十萬人皆降武安君曰 **弗聽九月趙軍食絕四十六日皆内陰相殺食急來攻** 秦壘欲出為四隊四五復之不能出趙括自出銳卒搏 許周子曰夫趙之於齊楚扞蔽也猶齒之有脣也脣

にいり見という 秦王王矣武安君為三公君能為之下乎雖欲無為之 按之司馬梗北定太原盡有上黨地韓魏忠使蘇代厚 幣說應侯曰武安君即圍邯鄲平曰然蘇代曰趙亡則 五十六年十月武安君分軍為三王點攻趙武安皮牢 殺之恐為亂乃挾詐而盡坑殺之遺其小者二百四十 反為趙天下不樂為秦民之日久矣今亡趙北地入燕 下固不得已矣秦當攻韓圍邢丘困上黨上黨之民皆 歸趙前後斬首虜四十五萬人趙人大震 通鑑紀事本末

金月口屋 趙王将使趙郝約事於秦割六縣虞卿謂趙王曰秦之 雍趙六城以和正月皆罷兵武安君由是與應侯有除 東地入齊南地入韓魏則君之所得民無幾何人矣不 攻王也倦而歸乎王以其力尚能雅愛王而弗攻乎 其所不能取倦而歸王又以其力之所不能取以送之 日秦不遺餘力矣必以倦而歸也虞卿曰秦以其力 兵勞請許韓趙之割地以和且休士卒王聽之割韓 因而割之無以為武安君功也應侯言於秦王曰秦

とうする

是助秦自攻也來年秦攻王王無救矣趙王計未定樓 足三日声公子 秦趙構難而天下皆說何也曰吾且因殭而乘弱矣令 心哉獨不言其示天下弱乎且臣言勿與者非固勿與 趙不如亟割地為和以疑天下慰秦之心不然天下将 緩至趙趙王與之計之樓緩曰虞卿得其一不得其二 聞之復見曰危哉樓子之計是愈疑天下而何慰秦之 而已也秦索六城於王而王以六城路齊齊秦之深雙 因秦之怒乗趙之敝瓜分之趙且亡何秦之圖乎虞卿 通鑑紀事本末

金月口屋台電 盡重王是王一 秦之重路至趙而反媾於王也從秦為媾韓魏聞之必 秦而示天下有能為也王以此發聲兵未窺於境臣 也其聽王不待辭之畢也則是王失之於齊而取償 何 曰善使虞卿東見齊王與之謀秦虞卿未返秦使者先 在趙兵樓緩開之亡去趙王封虞卿以一城秦之始 也魏王問於諸大夫皆以為秦伐趙於魏便孔斌 謂也曰勝趙則吾因而服爲不勝趙則可 舉而結三國之親而與秦易道也趙王 **永**敬而

次定四軍全書-樂也自以為安矣竈突炎上棟宇将焚熊雀顏不變不 陳大計輒不用退而以病致仕人謂子順曰王不用子 同於驚雀乎子順者孔子六世孫也子順相親凡九月 知禍之将及己也今子不悟趙破患将及己可以人而 将何敝之承大夫曰縱其勝趙於我何損鄰之羞國之 之子順曰不然秦自孝公已來戰未當屈令又屬其良 魏受其師也先人有言驚雀處屋子母相哺吻呴焉相 福也子順曰秦貪暴之國也勝趙必復他求吾恐於時 通鑑知事本未 宝

三晉割地以求安二周折而入秦熊齊楚已屈服矣以 **豈伊吕之不欲哉勢不可也當令山東之國敝而不 亡不服何化之與昔伊擊在夏日望在商而二國不** 無良醫令秦有吞食天下之心以義事之固不獲安救 義義所不入遂復於家新垣固請子順曰賢者所在必 乎何去之速也子順曰以無異政所以自退也且死病 與化致治今子相魏未聞異政而即自退意者志不得 子其行乎答曰行将何之山東之國将并於秦秦為不 一次主四事全事 至秦而執之遣使謂趙王曰不得齊首吾不出王弟於 五十七年正月王陵攻邯鄲少利益發卒佐陵陵亡五 取其首以與秦秦乃歸平原君九月五大夫王陵将兵 信陵君以走楚信陵君意難見之魏齊怒自殺趙王卒 關魏齊窮抵虞卿虞卿棄相印與魏齊偕亡至魏欲 侯少報其仇聞魏齊在平原君所乃為好言誘平原君 復伐趙武安君病不任行 通鉛紀事本末 美 因

此

觀之不出二十年天下其盡為秦乎

秦王欲為應

平原君平原君曰夫賢士之處世也譬若錐之處囊中 者二十人與之俱得十九人餘無可取者毛逐自薦於 應其內諸侯攻其外破秦軍必矣王自命不行乃使應 也且諸侯之叔日至彼諸侯怨秦之日久矣秦雖勝 侯請之武安君終解疾不肯行乃以王懿代王陵趙 長平士卒死者過半國內空遠絕河山而爭人國都趙 校武安君病愈王欲使代之武安君曰邯鄲實未易攻 平原君求救於楚平原君約其門下食客文武備

たいこり 日 日本 而言之日中不決毛逐接劒歷階而上謂平原君曰從 相與目笑之平原君至楚與楚王言合從之利害日出 留毛遂曰臣乃今日請處囊中耳使逐早得處囊中 所稱誦勝未有所聞是先生無所有也先生不能先生 其末立見今先生處勝之門下三年於此矣左右未有 怒叱曰胡不下吾乃與而君言汝何為者也毛遂按 '利害兩言而決耳今日出而言日中不決何也楚王 脱而出非特其末見而已平原 君乃與之俱十九人 通鑑約事本末 Ŧ

威也今楚地方五千里持戟百萬此霸王之資也以楚 王不得恃楚國之衆也王之命懸於逐手吾君在前 與楚戰一戰而舉耶郢再戰而燒夷陵三戰而辱王之 者何也且逐聞湯以七十里之地王天下文王以百里 而前曰王之所以叱逐者以楚國之衆也令十步之内 先人此百世之怨而趙之所羞而王弗知惡馬合從者 壞而臣諸侯豈其士卒衆多哉誠能據其勢而奮其 殭天下弗能當白起小豎子耳率數萬之衆與師

金罗里屋 四十

とこり 町 とはる 定從於殿上毛逐左手持盤血而右手抬十九人曰公等 先生之言謹奉社稷以從毛遂曰從定乎楚王曰定矣 相與敢此血於堂下公等錄錄所謂因人成事者也平 毛逐謂楚之左右曰取雞狗馬之血來毛逐奉銅盤而 跪進之楚王曰王當歃血以定從次者吾君次者逐逐 逐以毛遂為上客於是楚王使春申君将兵救趙魏王 原君已定從而歸至於趙曰勝不敢復相天下士矣 通然紀事本末

為楚非為趙也吾君在前叱者何也楚王曰唯唯誠若

金万旦屋石雪 於天下則連有蹈東海而死耳不願為之民也且沒未 趙旦暮且下諸侯敢救之者吾已拔趙必移兵先擊之 日彼秦者棄禮義而上首功之國也彼即肆然而為 為帝以却其兵齊人魯仲連在邯鄲聞之往見新垣 使将軍新垣衍間入邯鄲因平原君說趙王欲共尊秦 魏王恐遣人止晉鄙留兵壁鄰名為救趙實挾兩端又 亦使将軍晉鄙将兵十萬救趙秦王使謂魏王曰吾攻 秦稱帝之害故耳吾将使秦王烹臨梁王新垣行快

人と四事を動 之卒就脯醢之地乎且秦無已而帝則将行其天子之 東之國各有稱王之名奈 何睹其一 欲令之死令秦萬乗之國也深亦萬乗之國也俱據萬 故脯鄂侯文王聞之喟然而嘆故拘之牖里之庫百 吾将言之昔者九侯野侯文王紂之三公也九侯有子 然不悅曰先生惡能使秦王烹醢梁王魯仲連曰固也 而 好獻之於紂紂以為惡臨九侯野侯爭之殭辯之疾 以號今於天下則且變易諸侯之大臣彼将奪其所 通鑑紀事本末 戰而勝欲從而帝 H

知先生天下之士也吾請出不敢復言帝泰矣 子女說妄為諸侯妃姬處梁之官梁王安得晏然而已 不肖而與其所賢奪其所憎而與其所愛彼又将使其 銀り口 乎而将軍又何以得故寵乎新垣行起再拜曰吾乃今 公子上坐不讓公子執轡愈恭侯生又謂公子曰臣有 定公子從車騎虚左自迎 侯生侯生攝敝衣冠直上載 年七十家貧為大梁夷門監者公子置酒大會賓客坐 公子無忌仁而下士致食容三千人魏有隱士日侯赢 1371 老一下

久已日日上日 客在市屠中願枉車騎過之公子引車入市侯生下見 暮降春而魏救不至縱公子輕勝棄之獨不憐公子姊 附於婚姻者以公子之高義能急人之因也令邯鄲旦 姊也平原君使者冠蓋相屬於魏讓公子曰勝所以自 客賔客皆鱗及秦圍趙趙平原君之夫人公子無忌之 和乃謝客就車至公子家公子引候生坐上坐偏對賓 其客朱亥睥睨故久立與其客語微察公子公子色愈 邪公子患之數請魏王敕晉部今救趙及賔客辯士遊 通鑑紀事本末 7

臣固 閘 鬬 說萬端王終不聽公子乃屬廣客約車騎百餘乘欲赴 子為如姬報其父仇如姬欲為公子死無所辭公子誠 不能從公子去行數里心不快復還見侯生侯生笑曰 開言則得虎符奪晉鄙之兵北救趙西却秦此五 肉投飯虎何功之有公子再拜問計侯贏屏人日吾 以死於趙過夷門見侯生侯生曰公子勉之矣老臣 晉鄙兵符在王卧内而 知公子之還也令公子無他端而欲赴秦軍譬如 如姬最幸力能竊之害聞 伯

多少口

と言い

君令有所不受有如晉鄙合符而不授兵復請之則事 欽定四庫全書 過點紀事本末 在軍中者兄歸獨子無兄弟者歸養得選兵八萬人将 子遂勒兵下令軍中曰父子俱在軍中者父歸兄弟俱 單車來代之何如哉朱亥袖四十斤鐵椎椎殺晉鄙公 舉手視公子日吾以十萬之衆屯於境上國之重任令 可使擊之於是公子請朱亥與俱至都晉都合符疑之 危矣臣容朱亥其人力士可與俱晉鄙若聽大善不聽 之功也公子如其言果得兵符公子行侯生曰将在外

成陽西門十里至杜郵王與應侯奉臣謀曰白起之遷 意尚快快有餘言王乃使使者賜之劔武安君遂自殺 者日至王乃使人遣武安君不得留咸陽中武安君出 發卒軍汾城旁武安君病未行諸侯攻王彭彭數却 之而進王哉人圍邯鄲不拔諸侯來找戰數不利武 五十八年十月免武安君為士伍遷之陰密十二月益 君武安君稱病篤不肯起 君聞之曰王不聽吾計令何如矣王聞之於殭起武安 燕武成王薨 子孝王立

**淡定四車全書** 秦人憐之鄉邑皆祭祀馬魏公子無忌大破秦師於邯 秦受其獻歸報王於周是歲報王崩 攻西周赧王入秦頓首受罪盡獻其邑三十六口三萬 五十九年秦将軍摎代韓取陽城自黍斬首四萬代趙 即下王哉解邯鄲圍走鄭安平為趙所困将二萬人降 天下鏡師出伊闕攻秦令無得通陽城秦王使将軍楊 取二十餘縣斬首虜九萬根王恐倍泰與諸侯約從将 趙應侯由是得罪 通盤紀事本末

君何見之晚也夫四時之序成功者去君獨不見夫秦 奪君之位應侯怒使人名之蔡澤見應侯禮又倨應侯 宣言於應侯曰蔡澤天下雄辯之士彼見王必因君而 以憂應侯懼不知所出燕客蔡澤聞之西入秦先使人 秦昭襄王五十二年河東守王精坐與諸侯通棄市應 死而鄭安平王稽等皆畔内無良将而外多敵國吾是 侯日以不懌王臨朝而歎應侯請其故王曰令武安君 不快因讓之日子宣言欲代我相請聞其說祭澤曰吁

たらりまれた曲っ 成名死無所恨恭澤曰夫人立功豈不期於成全邪身 之商君楚之吳起越之大夫種何足願與應侯謬曰何 者下也夫商君吳起大夫種其為人臣盡忠致功則可 名俱全者上也名可法而身死者次也名僇辱而身全 為不可此三子者義之至也忠之盡也君子有殺身以 功臣孰與孝公楚王越王曰未知何如蔡澤曰君之功 願矣以天周公豈不亦忠且聖子三子之可願孰與因天 周公哉應侯曰善蔡澤曰然 則君之主惇厚舊故不倍 通鑑紀事本末 四生(

五十三年楊代魏取吳城韓王入朝魏舉國聽令 能孰與三子曰不若茶澤曰然則君身不退禍恐甚於 畫逐以為相國澤為相數月免 變計竊為君危之應倭逐延以為上客因薦於王王召 聖人之道也令君之怨已讐而德已報意欲至矣而無 實器遷西周公於選狐之聚 見與語大悅拜為家卿應侯因謝病免王新悅蔡澤計 三子矣語曰日中則移月滿則虧進退贏縮與時變化 热孝王薨 周民東亡秦人取其

金月日月月十二

久足可真心事 莊襄王元年 吕不幸 為相國 孝文王元年十月已亥王即位三日薨子楚立是為莊襄王 五十六年秋王薨孝文王立以子楚為太子 周比亡凡有七邑河南洛陽穀城平陰偃師鞏緱氏 王使相國帥師討滅之遷東周君於陽人 二年家駦伐趙定太原取榆次狼孟等三十七城 取成鼻滎陽初置三川郡 河南洛陽十萬户封相國不韋為文信侯 通鐵紀事本末 東周君與諸侯謀伐秦 (聚周既不祀 四十四

重於諸侯者徒以有魏也今魏急而公子不恤一 金少口尼八百 乎語未卒信陵君色變趣駕還魏魏王持信陵君而 通者死賓客莫敢諫毛公薛公見信陵君曰公子所以 師伐魏取髙都沒魏師數敗魏王患之乃使人請信陵 以為上將軍信陵君使人求援於諸侯諸侯聞信陵 三年王黇攻上黨諸城悉拔之初置太原郡 於趙信陵君畏得罪不肯還誠門下曰有敢為魏使 人克大梁夷先王之宗廟公子當何面目立天 蒙驁帥

一次定四軍全書-一之不下使人謂安陵君曰君其遣縮高吾將仕之以 致信陵君之命縮萬曰君之幸高也将使高攻管也夫 還安陵人縮高之子仕於秦秦使之守管信陵君攻 蒙驁於河外蒙驁遁走信陵君追至函谷関抑之而 父攻子守人之笑也見臣而下是倍主也父教子倍亦 使其民使者自往請之使吏導使者至縮高之所使者 五大夫使為執節尉安陵君曰安陵小國也不能必 君復為魏將皆遣兵救魏信陵君率五國之師 通鍋紀事本末 17

城亡子不得與馬令縮高解大位以全父子之義而君 憲憲之上篇曰子弑父臣弑君有常不赦國雖大赦 岩 造使之安陵君所日安陵之地亦猶魏也今吾攻管而 非 日必生致之是使我負襄王之的而廢太府之憲也雖 君曰吾先君成侯受詔襄王以守此城也手受太府之 不下則秦兵及我社稷必危矣願君生東縮高而致 君弗致無忌将發十萬之師以造安陵之城下安陵 君之所喜敢再拜解使者以報信陵君信陵君大怒 久足四年全 始皇帝元年韓欲疲秦人使無東伐乃使水工鄭國為 父 **薨太子政立生十三年矣國事皆委於文信侯號稱仲** 辭反必為國禍吾已全已無違人臣之義矣豈可使吾 死終不敢行縮高聞之曰信陵君為人悍猛而自用此 問於秦鑿涇水自仲山為渠並北山東注洛中作而覺 君有魏患乎乃之使者之舍刎頸而死 秦人欲殺之鄭國曰臣為韓延數年之命然渠成亦秦 通鐵紀事本末 五月丙午王 四共

五年紫熱代魏取酸聚燕虚長平雍丘山陽等二十城 趙趙太子出歸 萬餘頃収皆畝一 萬世之利也乃使卒為之注填關之水溉爲鹵之地 四年春紫熱代魏取赐有說三月軍罷 立王 金ワリ 初置東郡 三年紫精伐韓取十二城 7:1-1-1-1 國 鍾關中由是益富饒 子 貍 学 安 釐王 洛 Ŧ 薨 ൊ 秦質子歸 薨子 悼襄年趙孝成 自 四

決定四軍全書 楚二十年而不攻楚何也秦踰軍阮之塞而攻楚不便 人皆以楚為殭君用之而 咎春申君春申君以此益疎觀津人朱英謂春申君曰 六年楚趙魏韓衛合從以伐秦楚王為從長春申君用 所觀者見秦楚之日勵也楚於是去陳徙壽春命曰郢 不能受許那陵魏割以與秦秦兵去陳百六十里臣之 假道於雨周背韓親而攻楚不可令則不然親旦暮亡 事取壽陵至函谷關泰師出五國之師皆敗走楚王以 通照紀事本夫 弱其於英不然先君時秦善 Ţ

楚人李斯亦在逐中行且上書曰昔穆公求士西 皆為其主遊問耳請 七年代魏取汲 元君率其支屬徒居野王阻其山以保魏之河内 春申君就封於吳行相事 余於戎東得百里奚於宛迎蹇叔於宋求丕豹公孫支 十年文信侯免相就國宗室大臣議曰諸侯人來仕者 光年伐魏取垣蒲 紫熊卒 楊 端和伐魏取行 切逐之於是大索逐客客卿 秦拔魏朝歌及衛濮陽衛 王八 莞年 · 安 桓惠 取由

一大足马事全替 者逐是所重者在平色樂珠玉而所輕者在乎人民也 |者衆取人則不然不問可否不論曲直非秦者去為客 觀之客何負於秦哉夫色樂珠玉不產於秦而王服 就其深王者不却象庶故能明其德此五帝三王之所 臣聞太山不讓土壤故能成其大河海不擇細流故能 至今治殭恵王用張儀之計散六國之從使之事奏的 於晉并國二十逐霸西戎孝公用商鞅之法諸侯親服 王得范睢殭公室杜私門此四君者皆以客之功由此 通供犯事本未 御

和伐趙攻郭取九城王朝攻関與縣陽桓齡取郭安陽 者 金玉遊說諸侯諸侯名士可下以財者厚遗結之不肯 之令李斯至職邑而還王卒用李斯之謀陰遣辯士齊 謂籍寇兵而齊盗糧者也王乃召李斯復其官除逐客 以無敵也今乃棄點首以資敵國却賓客以業諸 中卒兼天下 利劍 年趙人代燕取雅陽兵未罷将軍王翦桓騎楊端 刺之離其君臣之計然後使良将隨其後數年 倭所

ジロ

Ŀ

1111

請為藩臣使韓非來聘非因上書說王曰令秦地方數 火 之四車全書 千里師名百萬號令賞罰天下不如臣昧死願望見大王 朝趙王以李牧為大将軍復戰於宜安肥下秦師敗績 桓蠲犇還 四年桓齮伐趙取宜安平陽武城 三年桓齮伐趙敗趙将扈輒於平陽斬首十萬殺扈 年發四郡兵助魏伐楚 王薨子 建立 通鑑紅事本末 韓王納地劾 四十九

忠者也王悅之未任用李斯嫉之日韓非韓之諸公子 見王後悔使赦之非已死矣 東治非李斯使人遺非藥今早自殺韓非欲自陳不 從不破趙不舉韓不亡荆魏不臣齊燕不親霸王之名 言所以破天下從之計大王誠聽臣說一舉而天下之 也今欲并諸侯非終為韓不為秦此人情也今王不 久留而歸之此自遺患也不如以法誅之王以為然 不成四鄰諸倭不朝大王斬臣以徇 11.11 國以戒為王謀 用

大とり 日白 十七年内史勝滅韓虜韓王安以其地置潁川 遇李牧而還 首欲覆其宗國以售其言罪固不容死矣爲足愍哉 臣光曰臣聞君子親其親以及人之親愛其國以及人 十五年王大興師伐趙 質於秦王不禮馬丹怒亡歸 國是以功大名美而享有百福也令非為秦畫謀而 韓獻南陽地九月發卒受地於韓 初照太子丹當質於趙與王善王即位丹 一軍抵鄴 通鑑紀事本末 一軍抵太原取狼孟番吾 五土 魏人獻地

太原上郡歸 十九年王朝擊趙軍大破之殺趙怒顔聚亡逐克邯鄲 數百人梅代自立為代王趙之亡大夫稍稍歸之與熊 牧及尚言其欲及趙王使趙惹及齊将頹聚代之李牧 趙李牧司馬尚禦之秦人多與趙王嬖臣郭開金使毀 十八年王翦将上地兵下井座端和将河内兵共伐趙 **虜趙王遷王如邯鄲故與母家有仇怨者皆殺之還從** 不受命趙人捕而殺之廢司馬尚 王翦屯中山以臨燕趙公子嘉帥其宗

金グセル

1111

太傅之計曠日彌久令人心惛然恐不能須也頃之将 卒之時也願更慮之鞠武曰夫行危以求安造禍以為 南奴太子曰樊将軍窮国於天下歸身於丹是固丹命 秦王之暴而積怒於燕足為寒心又況聞樊将軍之所 鞠武請西約三晉南連齊楚北媾匈奴以圖秦太子曰 合兵軍上谷 在乎是謂委內當餓虎之蹊也願太子疾遣樊将軍入 軍其於期得罪亡之燕太子受而舍之鞠武諫曰夫 燕太子丹怨王欲報之以問其傅鞠武 通鑑紀事本末

次之四車全書-

五土

将擅兵於外而內有亂則君臣相疑以其問諸侯得 曹沫之與齊桓公則大善矣即不 誠得天下之勇士使於泰劫秦王使悉反諸侯侵地 楚北臨趙趙不能支秦則禍必至於燕燕小弱數 謂資怨而助禍矣太子不聽太子聞衛人荆軻之賢甲 兵何足以當秦諸侯服秦莫敢合從丹之私計愚以 福計淺而怨深連結一人之後交不顧國家之大害所 厚禮而請見之謂軻日令秦已虜韓王又舉兵南伐 可因而刺 殺之彼 团 為

自り

人にり自人と 翦滅趙太子聞之懼欲遣荆軻行荆軻曰令行而無信 邑萬家将奈何於期太息流淨曰計将安出荆柳曰 來歸丹丹不恐也荆軻乃私見樊於期曰秦之遇将軍 秦王秦王必說見臣臣乃有以報太子曰樊将軍窮困 則秦未可親也誠得樊将軍首與燕督亢之地圖奉獻 於上舍太子日造門下所以奉養荆軻無所不至及王 從其破秦必矣唯荆卿留意為荆軻許之於是舍荆卿 可謂深矣父母宗族皆為戮沒令聞購将軍首金干斤 通鑑紀事本未 願

金少巴月八二 二十年荆軻至咸陽因王寵臣家嘉甲群以求見王大 王薨 往伏哭然已無奈何遂以函盛其首太子豫求天下 袖右手提其智則将軍之仇報而燕見陵之愧除矣樊 得将軍之首以獻秦王秦王必喜而見臣臣左手把 乃装為遣荆軻以燕勇士秦舞陽為之副使入秦 利匕首使工以藥焠之以試人血濡縷人無不立死者 期日此臣之日夜切齒腐心也遂自刎太子聞之犇 凡國 負親殺之自立人立其弟都三 Fl 裝子 親景将 王 其

首見因把王袖而堪之未至身王衛起袖絕荆軻逐 とこり事という 於是大怒益發兵詣趙就王翦以伐燕與燕師戰於易 欲生劫之必得約契以報太子也逐體解荆軻以狗王 匕首随王中銅柱自知事不就罵曰事所以不成者以 喜朝服設九實而見之荆軻奉圖以進于王圖窮而匕 臣侍殿上者不得操尺寸之兵左右以手共搏之且曰 王環柱而走晕臣皆愕卒起不意盡失其度而秦法晕 王負劒負劒王遂拔以擊荆軻斷其左股荆軻廢乃引 通鑑紀事本末

保遼東李信急追之代王嘉遺燕王書令殺太子丹以 ニナ 水之西大破之 以問王翦王翦曰非六十萬人不可王曰王将軍老矣 荆於将軍度用幾何人而足李信曰不過用二十萬王 献丹匿行水中燕王使使斬丹欲以獻王王復進兵攻 何怯也遂使李信蒙恬将二十萬人伐楚王翦因謝病 王賁伐楚取十餘城王問於将軍李信曰吾欲 一年冬十月王翦拔薊燕王及太子率其精兵東

金分四屋台票

歸頻陽 頓舍大敗李信入兩壁 殺七都 尉李信犇還王聞之大 是引兵而西與紫恬會城父楚人因隨之三日三夜不 李信攻平與蒙恬攻復大破楚軍信又攻鄢郢破之於 臣受地於魏之先王願終守之弗敢易王義而許之 二十二年王賁代魏引河溝以灌大梁三月城壞魏王 7 1. JO 101 71 1. 1. 1. 1. 里地易安陵安陵君曰大王加惠以大易小甚幸雖然 假降殺之遂滅魏王使人謂安陵君曰寡人欲以五百 通鑑紀事本末 五九

濔上 來乃悉國中兵以禦之王朝堅壁不與戰楚人數挑戰 日唯聽将軍計耳於是王翦将六十萬人伐楚王送至 矣勿復言王翦曰必不得已用臣非六十萬人不可王 軍将軍雖病獨忍棄寡人乎王翦謝病不能将王曰己 怒自至頻陽謝王翦曰寡人不用将軍謀李信果辱秦 二十三年王翦取陳以南至平輿楚人聞王翦益軍而 不出王翦日休士洗沐而善飲食撫循之親與士卒

金月四月白書

次定四軍全書-挑怨速禍使名公之廟不祀忽諸罪孰大馬而論者或 臣光曰燕丹不勝一朝之忿以犯虎狼之秦輕處淺謀 二十四年王翦蒙武虜楚王負易以其地置楚郡 擊大破楚師至斯南殺其将軍項燕楚師遂敗走王翦 翦曰可用矣楚既不得戰乃引而東王翦追之令壮士 因乗勝略定城邑 同食久之王翦使人問軍中戲乎對日方投石超距王 二十五年大興兵使王賁攻遼東虜燕王喜 り能記事本末

不遠而動不義其楚白公勝之流乎荆軻懷其豢養之 之者碎犯之者焦雖有殭暴之國尚何足畏哉卅釋 德四鄰親其義夫如是則國家安如磐石熾如焱火觸 民以仁交鄰以信是以官得其人政得其節百姓懷其 謂之賢豈不過哉夫為國家者任官以才立政以禮懷 **僇社稷為墟不亦悲哉夫其膝行蒲伏非恭也復言重** 不為顧以萬乗之國決匹夫之怒逞盜賊之謀功隳身 非信也糜金散玉非惠也勿首決腹非勇也要之

王建立四十餘年不受兵及君王后且死戒王建曰犀 為刺客之靡皆不可謂之義又曰荆軻君子盜諸善哉 楊子論之以要離為蛛發之靡聶政為壮士之靡荆軻 私不顧七族欲以尺八匕首 殭燕而弱秦不亦愚乎故 臣之可用者其王曰請書之君王后曰善王取筆牘受 之君置會稽郡 亦東邊海上秦日夜攻三晉燕楚五國各自救以故齊 王賁攻代虜代王嘉 初齊君王后賢事秦謹與諸侯信齊 王朝悉定荆江南地降百越

· 此定四庫全書 ·

通選紀事本末

言君王后曰老婦已忘矣君王后死后勝相齊多受秦 者百數王以而與之百萬人之衆使以三晉之故地即 齊王還車而及即墨大夫聞之見齊王曰齊地方數千 修攻戰之備不助五國攻秦秦以故得滅五國齊王将 問金宿客入秦春又多與金客皆為反問勸王朝春不 里帶甲數百萬夫三晉大夫皆不便泰而在阿甄之問 日為社稷司馬日為社稷立王王何以去社稷而入秦 入朝雅門司馬前曰所為立王者為社稷即為王即王

た己日年上十五日 使人誘齊王約封以五百里之地齊王逐降秦遷之共 處之松柏之間餓而死齊人怨王建不早與諸侯約從 者 聽姦人賓客以亡其國歌之日松耶 已哉齊王不聽 以入矣如此則齊威可立秦國可亡豈特保其國家而 臨晉之關可以入矣耶郢大夫不欲為秦而在城南下 二十六年王責自熊南攻齊猝入臨淄民莫敢格者秦 百數王以而與之百萬之師使以楚故地即武閣 通截紀事本 柏 住建共者客 可

夫三晉者齊楚之藩敬齊楚者三晉之根抵形勢相 表裏相依故以三晉而攻齊楚自絕其根柢也以齊楚 相樂會盟以相結者無他欲其同心戮力以保家國 利也昔先王建萬國親諸侯使之朝聘以相交饗宴以 臣光曰從衡之說雖及覆百端然大要合從者六國之 而攻三晉自撤其藩蔽也安有撤其藩蔽以媚盜曰盜 耶 疾建用客之不詳也 使六國能以信義相親則秦雖殭暴安得而亡之哉 資

金月口月

المالية

久三日 巨白 臣議君也甚無謂自令以來除臨法朕為始皇帝後世 尊莊襄王為太上皇制曰死而以行為諡則是子議 功過五帝乃更號曰皇帝命為制令為詔自稱曰朕追 秦始皇帝二十六年 将爱我而不攻豈不悖哉 二十七年始皇巡隴西北地至雞頭山過回中馬作信 以計數二世三世至於萬世傳之無窮 豪傑亡秦 通鑑紀事本末 王初并天下自以為德兼三皇 五 1

封禪為蒲車惡傷山之土石草木掃地而祭席因強務 一菜 甬道自成陽屬之治 馳道於天下 官渭南已更命曰極廟自極廟道通驪山作甘泉前殿 上自太山陽至顛立石頌德從陰道下禪於梁父其禮 議各乘異始皇以其難施行由此継儒生而遂除車道 召集傳儒生七十人至泰山下議封禪諸儒或曰古者 頗采太祀之祀雍上帝所用而封藏皆秘之世不得 二十八年始皇東行郡縣上鄒嶧山立石頌功業於是

金好匹匠

1771

かんかし 日本日本は一 諸像人及不死之藥皆在馬及始皇至海上諸方士齊 山在渤海中去人不遠患且至則風引船去當有至者 化之術热齊廷怪之士皆爭傳習之自齊威王宣王热 得意初燕人宋無忌羨門子高之徒稱有僊道形解銷 人徐市等爭上書言之請得齊戒與童男女求之於是 出王皆信其言使人入海求蓬蒙方大瀛洲云此三神 始皇南登琅邪大樂之留三月作琅邪臺立石頌德明 記也於是始皇遂東游海上行禮祠名山大川及八神 通鑑犯事本末

金之産欲為韓報仇 出周鼎 遣徐市發童男女數干人入海求之船交海中皆以風 衡山南 為解曰未能至望見之馬始皇還過彭城齋戒禱祠 刑徒三千人皆伐湘山樹赭其山遂自南郡由武關 曰湘君何神對曰聞之堯女舜之妻葬此始皇大怒使 初韓人 ,那浮江至湘山祠逢大風幾不能渡上問博士 泗水使干人沒水求之弗得乃西南渡淮水之 人張良其父祖以上五世相韓及韓亡良散干

金りせた

A THE

人已以下上時 兵三十 萬人北伐匈奴 還因奏録圖書曰亡秦者胡也始皇乃遣将軍蒙恬發 鐵椎狙擊始皇誤中副車始皇機求弗得令天下大索 三十三年發諸當逋亡人養壻賈人為兵略取南越陸 壞城郭決通隄坊始皇巡兆 邊從上郡入盧生使入海 二十九年始皇東遊至陽武博浪沙中張良令力士操 三十二年始皇之碣石使燕人廬生求美門刻碣石門 十日始皇逐登之果刻石旋之琅 邪道上黨入 通鑑把事本末

越雜處 法令令諸生不師令而學古以非當世感亂點首相與 今天下已定法令出 非法教人聞今下則各以其學議之入則心非出則巷 三十四年丞相李斯上書曰異時諸侯並爭厚招遊學 因地形用制險塞起臨洮至遼東延衰萬餘里於是 河據陽山透迤而北暴師於外十餘年 蒙恬斥逐匈奴权河南地為四十四縣築長 百姓當家則力農工士則學

金少口

屋と門里

梁地置桂林南海象郡以謫徙民五十萬人戊五嶺與

次定四車全書 · |知不舉與同罪今下三十日不燒 點為城旦所不去者 三十五年使蒙恬除直道道九原抵雲陽輕山堙谷干 醫藥卜筮種樹之書若有欲學法令者以吏為師制曰可 守尉雜燒之有敢偶語詩書棄市以古非令者族吏見 皆燒之非博士官所職天下有藏詩書百家語者皆指 八百里數年不就 則主勢降乎上黨與成乎下禁之便臣請史官非秦記 議跨主以為名異趣以為高率厚下以造誇如此弗禁 始皇以為咸陽人多先王之宫庭 通纸紀事本末

發北山石椁寫蜀荆地材皆至關中計宫三百關外 也隱官徒刑者七十餘萬人乃分作阿房官或作願山 家驪邑五萬家雲陽皆復不事十歲 道自阿房波渭屬之咸陽以象天極閣道絕漢抵營室 馳為閣道自殿下直抵南山表南山之顛以為關為複 百步南北五十大上可以坐萬人下可以建五丈旗周 百餘於是立石東海上朐界中以為秦東門因從三萬 乃誉作朝宫渭南上林苑中先作前殿阿房東西 **盧生說始皇日** 

火足四事全事 殺之自是後莫知行之所在屋臣受決事者悉於成陽 騎始皇怒曰此中人泄吾語案問莫服捕時在旁者盡 二百七十複道甬道相連惟帳鐘鼓美人充之各案署 真人自謂真人不稱朕乃令成陽之旁二百里內官觀 方中人主時為微行以辟惡思惡思辟真人至願上所 上見丞相車騎眾弗善也中人以告丞相丞相後損車 居宮母令人知然後不死之藥殆可得也始皇曰吾慕 不移徙行所幸有言其處者罪死始皇幸兴山宫從山 通鍋紀事本末 Ť

三十六年有隕石于東郡或刻其石曰始皇死而地分 官侯生盧生相與譏議始皇因亡去始皇聞之大怒曰 不安始皇於使扶蘇北監蒙恬軍於上郡 蘇諫曰諸生皆誦法孔子令上皆重法絕之臣恐天下 之咸陽使天下知之以懲後益發謫徙邊始皇長子扶 生諸生傅相告引乃自除犯禁者四百六十餘人皆院 使人廉問或為妖言以亂點首於是使御史悉案問諸 盧生等吾尊賜之甚厚令乃誹謗我諸生在咸陽者吾

金り口

Ē

111111

書賜扶蘇曰與丧會咸陽而葬書已封在趙高所未付 皇西至平原津而病乃令中軍府令行符璽事趙髙為 去疾守始皇二十餘子少子胡亥最愛請從上許之始 使者秋七月丙寅始皇崩於沙丘平臺丞相斯為上崩 車中故幸官者縣乘所至上食百官奏事如故官者 三十七年冬十月癸丑始皇出遊左丞相斯從右丞相 始皇使御史逐問莫服盡取石旁居人誅之燔其石 外恐諸公子及天下有慶乃私之不發喪棺載輕涼 通親紀事本末

阪宅四車全書

至

高法應死始皇以高敏於事赦之復其官趙高既雅得 胡亥決獄胡亥幸之趙髙有罪始皇使蒙毅治之毅當 隱官始皇間其殭力通於獄法與以為中車府令使教 謀議名為忠信故雖諸将相莫放與之爭趙萬者生而 從車中可其奏事獨胡亥趙萬及幸官者五六人知之 而立胡亥為太子胡亥然其計趙高曰不與丞相謀 幸於胡亥又怨紫氏乃說胡亥請訴以始皇命誅扶蘇 初始皇尊罷蒙氏信任之蒙恬任外将蒙教常居中

ヨラロ

人足四年 白色 亥為太子更為書賜扶蘇數以不能闢地立功士卒多 高無怨長子信之此五者皆孰與蒙恬斯曰不及也高 事不能成乃見丞相斯曰上賜長子書及符璽皆在胡 而定之丞相斯以為然乃相與謀詐為受始皇韶立胡 之 亥所定太子在君侯與髙之口耳事将何如斯曰安得 曰然則長子即位必用蒙恬為丞相君侯終不懷通侯 亡國之言此非人臣所當議也萬曰君侯材能謀慮功 印歸鄉里明矣胡亥慈仁篤厚可以為嗣願君審計 通微犯事本来 兹

還報胡亥已聞扶蘇死即欲釋蒙恬會蒙毅為始皇出 趣之扶蘇謂蒙恬曰父賜子死尚安復請即自殺蒙恬 者來即自殺安知其非訴復請而後死未暮也使者數 發書泣入內舍欲自殺蒙恬日陛下居外未立太子使 不肯死使者以屬吏繫諸陽周更置李斯舍人為護軍 臣将三十萬衆守邊公子為監此天下重任也今 軍蒙恬不矯正知其謀皆賜死以兵屬裨将王離扶蘇 耗反數上書直言誹謗日夜怨望不得罷歸為太子将

金り口た

11.11.1F

欽定四庫全書-臣誹 橋山川還至趙高言於胡亥曰先帝欲舉賢立太子久 行之人是內使犀臣不相信而外使關士之意離也二 從直道至咸陽發丧太子胡亥襲位 九原會暑輕車臭乃詔從官令車載一石鮑魚以亂之 矣而毅諫以為不可不若誅之乃繫諸代逐從井陘抵 兄弟二世兄子子嬰諫曰趙王遷殺李牧而用頹聚齊 王建殺其故世忠臣而用后勝卒皆亡國蒙氏泰之大 士也而陛下欲一旦棄去之誅殺忠臣而立無節 美一下 東北東 二世欲誅蒙恬 六主

势足以倍畔然自知必死而守義者不敢辱先人之教 世 生居世間也譬猶賜六驥過決隊也吾既已臨天下矣 以不忘先帝也乃吞藥自殺 帝成功盛德而還 會務而盡刻始皇所立刻石旁著大臣從者名以章 二世元年春二世東行郡 弗聽逐殺蒙殺及內史恬恬曰自吾先人及至子孫 功信於秦三世矣今臣将兵三十餘萬身雖囚繫其 夏四月二世至成陽謂趙萬曰夫人 縣李斯從到碣石並海南 至

致定四庫全書— 欲悉耳目之所好窮心志之所樂以終吾年壽可乎髙 刻刑今有罪者相坐誅滅大臣及宗室然後収舉遗民 安得為此樂乎二世曰為之奈何趙高曰陛下嚴法而 屬意快快皆不服恐為變臣戰戰栗栗唯恐不終陛下 日此賢主之所能行而昏亂主之所禁也雖然有所未 公子盡帝兄大臣又先帝之所置也令陛下初立此其 可臣請言之夫沙丘之謀諸公子及大臣皆疑馬而諸 貧者富之賤者貴之盡除去先 帝之故臣更置陛下 通照紀事本末

當不從廣贊也麻廟之位吾未嘗敢失節也受命應對 問昆弟三人囚於内宮議其罪獨後二世使使令将間 所 日公子不臣罪當死吏致法馬将問曰關廷之禮吾未 下髙今鞫治之於是公子十二人像死成陽市十公主 二世然之乃更為法律務益刻深大臣諸公子有罪輒 潤澤紫厚德陛下則高枕肆志罷樂矣計莫出於此 親信者此則陰德歸陛下害除而姦謀塞羣臣莫不 死於杜財物入於縣官相連逮者不可勝數公子将 i

· 钦定四車全書 說名趙萬而示之曰此可謂急乎趙萬曰人臣當憂死 臣請從死願葬驪山之足唯上幸哀憐之書上二世大 府之衣臣得賜之中底之實馬臣得賜之臣當從死而 **収族乃上書曰先帝無恙時臣入則賜食出則乗輿御** 昆第三人皆流淨拔劒自殺宗室振恐公子高欲犇恐 得與謀奉書從事将問乃仰天大呼天者三曰吾無罪 吾未嘗敢失解也何謂不臣願聞罪而死使者曰臣不 不能為人子不孝為人臣不忠不孝不忠者無名以立於世 通鑑紀事本末 六十七

亦 尉召今徒屬曰公等皆失期當斬假令母斬而成死者 人屯大 澤鄉陳勝吳廣皆為屯長會天大雨道不通度 陳勝陽夏人吳廣起兵於斯是時發問左戍漁陽九百 獸當食者多度不足下調郡縣轉輸故栗錫栗皆今自 栭 已失期失期法皆斬陳勝吳廣因天下之愁怨乃殺 阿房宫盡徵材士五萬人為屯衛咸陽令教射狗馬禽 不 糧食成陽三百里內不得食其穀 眼何變之得謀二世可其書賜錢十萬以葬復 秋七月陽城人 将 作

寧有種乎衆皆從之乃詐稱公子扶蘇項燕為壇而盟 陳餘乃變名姓俱之陳陳涉既入陳張耳陳餘詣門 衛若拓熊皆下之行以兵比至陳車六七百乗騎干餘 収 稱大楚陳勝自立為将軍吳廣為都尉攻大澤鄉拔之 固什六七且壮士不死則已死則舉大名耳王侯将 卒數萬人攻陳乃入據陳 而攻嶄斯下乃令符離人萬嬰将兵狗斬以東攻鈺 例頭交泰滅魏聞二人魏之名士重賞購求之張耳 初大梁人張耳陳餘相與

文之四事全書 一

通照犯事本末

也陳涉不聽遂自立為王號張楚當是時諸郡縣苦秦 一得立以德服之如此則帝業成矣令獨王陳恐天下 無交兵縣無守城誅暴秦據咸陽以令諸侯諸侯亡 自為樹黨為秦益敵敵多則力分與眾則兵殭如此 之示天下私願将軍母王急引兵而西遣人立六國後 謁陳涉素聞其賢大喜陳中豪傑父老請立涉為楚王 金り目 姓将軍出萬死之計為天下除殘也今始至陳而 以問張耳陳餘耳餘對曰秦為無道滅人社稷暴虐 洏 野 懈

**议定四庫全書** 趙地於是陳王以故所善陳人武臣為将軍部縣為護 監諸将以西擊榮陽張耳陳餘復說陳王請奇兵北略 怒下之吏後使者至上問之對曰屋盗鼠竊狗偷郡守 不可勝數葛嬰至東城立襄殭為楚王聞陳王已立 今汝陰人都宗徇九江郡當此時楚兵數千人為聚者 軍以張耳陳餘為左右校尉予卒三千人徇趙陳王又 尉方逐捕令盡得不足憂也上悅陳王以吳叔為假王 法爭殺長吏以應涉謁者使從東方來以反者聞二世 :通鍋紀事本末 六十九 因

而降城不戰而略地傳檄而干里定可乎武信君曰何 地攻得然後下城臣竊以為過矣誠聽臣之計可不攻 擊范陽范陽削徹說武信君曰足下必将戰勝而後略 號武臣為武信君下趙十餘城餘皆城守乃引兵東北 河至諸縣說其豪榮豪祭皆應之乃行以兵得數萬 人也習兵乃與之将軍印使西擊秦武臣等從白馬度 地以上蔡人房君蔡賜為上柱 國陳王聞周文陳之 殺襄殭還報陳王誅殺葛嬰陳王今魏人周市北狗

意不復設備博士孔鮒諫曰臣聞兵法不恃敵之不我 為秦所置吏誅殺如前十城則邊地之城皆為金城湯 攻恃吾不可攻今王恃敵而不自恃若跌而不振悔 善以車百乘騎三百侯印迎徐公燕趙聞之不戰而城 數驅 熟 趙之郊即 燕趙城 可 母戰而降矣武信君曰 池不可攻也君若齊臣侯印以授范陽令使乘朱輪華 下者三十餘城陳王既遣周章以秦政之亂有輕秦之 也徹口范陽今徐公畏死而貪欲先天下降君若以

**设定四車全書** 

通鑑紅事本末

立為趙王以陳餘為大将軍張耳為右丞相邻騷為左 無及也陳王曰寡人之軍先生無累馬周文行以兵至 耳 免驪山徒人奴産子悉發以擊楚軍大敗之周文走張 山徒多請赦之授兵以擊之二世乃大赦天下使章 日奈何少府童即日盗已至衆殭今發近縣不及矣願 多以讒毀得罪誅乃說武信君令自王八月武信君自 關車千乘卒數十萬至戲軍馬二世乃大熊與君臣謀 陳餘至邯鄲間周章却又聞諸将為陳王徇地還者

人は日日日日日日 兵擊趙柱國房君諫曰秦未亡而誅武信君等家此生 **丞相使人報陳王陳王大怒欲盡族武信君等家而發** 代巷雖勝秦必不敢制趙不勝秦必重趙趙乘秦楚之 西兵北徇燕代南水河内以自廣趙南據大河北有燕 趙非楚意特以計賀王楚已滅秦必加兵於趙願王母 使者質趙令趣發兵西入關張耳陳餘說趙王曰王王 其計徙繫武信君等家宫中封張耳子敖為成都君使 , 秦也不如因而賀之使急引兵西擊秦陳王然之從 通鑑紀事本末

等皆去吾亦從此逝矣徒中壮士願從者十餘人劉季 敞可以得志於天下趙王以為然因不西兵而使韓 金グロルカベニ 於沛下相人項梁起兵於吳狄人田儋起兵於齊劉 略燕李良略常山張黡略上黨 多欲附者及陳涉起沛今欲以沛應之椽主吏蕭何曹 亡匿於芒碭山澤嚴石之間數有竒怪沛中子弟聞 至皆亡之到豐西澤中亭止飲夜乃解縱所送徒曰公 字季初為泗上亭長為縣送徒驪山徒多道亡自度比 九月沛人劉邦起兵

亡在外者可得數百人因劫眾眾不敢不聽乃令與會 人とり事とき 帛射城上遗沛父老為陳利害父老乃率子弟共殺沛 乃閉城城守欲誅蕭曹蕭曹恐踰城保劉季劉季乃書 **台劉季劉季之衆已數十百人矣沛令後悔恐其有變** 參曰君為秦吏令欲背之率沛子弟恐不聽顧君召諸 三千人以應諸侯 兄子籍避仇吳中吳中賢士大夫皆出其下會稽守殷 今開門迎劉季立以為沛公蕭曹等為权沛子弟得二 項梁者楚将項熊子也常殺人血 通鑑起事本末

故 縣得精兵八千人深為會稽守籍為裡将狗下縣籍是 籍逐拔剱斬守頭項梁持守頭佩其印綬門下大騰擾 **楚亡在澤中梁曰桓楚亡人莫知其處獨籍知之耳梁** 通 亂籍所擊殺數十百人一府中皆惜伏莫敢起梁乃名 各桓楚守曰諸梁召籍入頂東梁的籍曰可行矣於是 乃出誠籍持劒居外梁復入與守坐曰請召籍使受命 間陳涉起欲發兵以應涉使項梁及桓楚将是時桓 所知豪吏諭以所為起大事逐舉吳中兵使人以

金グロ

7:1

縛其奴從少年之廷欲謁殺奴見狄令因擊殺令而名 時年二十四 當王遂自立為齊王發兵以擊周市周市軍還去田儋 皆豪健宗殭能得人周市徇地至狄狄城守田儋佯為 次足四軍全十二 欲立故魏公子 霹陵居咎為王咎在陳不得之魏魏地 率兵東略定齊地韓廣将兵兆徇燕燕地豪桀欲共立 豪吏子弟曰諸侯皆反秦自立齊古之建國也儋田氏 廣為燕王韓廣乃自立為燕王 田儋者故齊王族也儋從弟榮榮弟橫 通銀紀事本末 周市自伙還至魏地

曹陽二月餘章即追敗之復走漚池十餘日章即擊太 魏王市為魏相 見今天下共畔春其義必立魏王後乃可諸侯固請立 金罗里瓦 敗於薛走至戚沛公左司馬得殺之 破之今雅齒守豐十一月沛公引兵之薛泗川守壮兵 已定諸侯皆欲立周市為魏王市曰天下昏亂忠臣 市市終解不受迎魏咎於陳五反陳王乃遣之立咎為 二年冬十月泗川監平将兵圍沛公于豐沛公出與戰 11.1.1 周童出關止屯

久巨の事を与 矣秦兵旦暮至我圍滎陽城弗能下秦兵至必大敗不 守榮陽叔弗能下楚将軍田城相與謀曰周童軍已破 破之周文自刎軍逐不戰吳叔圍榮陽李由為三川守 諸将李歸等守榮陽自以精兵西迎春軍於敖倉與戰 陳王陳王使使賜田臧楚令尹印使為上将田臧乃使 田臧死軍破章邯進兵擊李歸等榮陽下破之李歸等 如少遺兵守滎陽悉精兵迎秦軍令假王驕不知兵權 不足與計事恐敗因相與矯王令以誅吳叔獻其首於 遊鑑紀事本本 七十四

之 於天下之民若堯禹然故謂之桎梏也夫不能修中 能 重爵禄不知所出乃阿二世意以書對曰夫賢主者必 将 死陽城人鄧說将兵居郑章邯別将擊破之鈺人伍逢 曰以天下為桎梏者無他馬不能督責而顧以其身勞 二世數請讓李斯居三公位如何令盜如此李斯恐懼 明術行督責之道專以天下自適也而徒務若形勞 行督責之術者也故申子曰有天下而不恣睢命 兵居許童邯擊破之兩軍皆散走陳陳王誅節 -說

鱼牙口屋 三二

至石邑秦兵塞井陛未能前秦将詐為二世書以招良 亂 臣刑者相半於道而死人日成積於市泰民益駭懼思 說於是行督責益嚴稅民深者為明吏殺人衆者為忠 莫之敢逆如此犀臣百姓救過不給何變之敢圖二世 哉故明主能行督責之術以獨斷於上則權不在臣下 然後能滅仁義之塗絕諫說之辨攀然行恣睢之心而 神以身狗百姓則是黔首之役非畜天下者也何足貴 趙孝良已定常山還報趙王趙王復使良略太原

一致定四庫全書—

通鑑紀事本末

此怒遣人追殺王姊因将其兵襲即耶即軍不知竟殺 腉 趙王部騷趙人多為張耳陳餘耳目者以故二人獨得 将軍下車請追殺之李良已得秦書固欲反趙未決因 使騎謝李良李良素貴起慙其從官從官有一人曰天 從百餘騎良望見以為王伏謁道旁王姊醉不知其将 下畔秦能者先立且趙王素出将軍下令女兒乃不為 陳人秦嘉符離人朱雞石等起兵圍東海守於郊

良得書未信還之邯鄲益請兵未至道逢趙王姊出飲

火定四事全事 敗廼立景駒為楚王 難可獨立立趙後輔以誼可就功乃求得趙歇春正月 監戰張賀死臘月陳王之汝陰還至下城父其御莊賈 耳餘立歇為趙王居信都 良良敗走歸董即客有說耳餘曰兩君羁旅而欲附趙 殺陳王以降 伍逢擊陳柱國房君殺之又進擊陳西張賀軍陳王出 趙張耳陳餘以其散兵得數萬人擊李 通點紀事本未 點布者六人也姓英氏坐法點 東陽軍君秦嘉用陳王軍 セナ

世益遣長史司馬欣董翳佐章邯擊盗章即已破

授故逐從不去沛公與良俱見景駒欲請兵以攻豐 往從之張良亦聚少年百餘人欲往從景駒道遇沛 甚得江湖間心號曰番君布往見之其衆已數干人番 豪無交通西率其曹耦亡之江中為屋盜都陽令吳尚 公善之常用其策良為他人言皆不省良曰沛公殆天 逐屬馬沛公拜良為廐将良數以太公兵法說沛公沛 君乃以女妻之使将其兵擊秦 以刑徒論輸聽山聽山之徒數十萬人布皆與其徒長 楚王景駒在留沛

久足口車 全書 陽令史居縣中素信謹稱為長者東陽少年殺其令相 西 還擊豐不下 之以陽兵得六千人與故合九千人三月攻下邑拔之 引兵西與戰蕭西不利還以兵聚留二月攻陽三日妆 章即司馬足将兵北定楚地屠相至陽東陽寡君沛 國日江東已定急引兵西擊秦梁乃以八千人渡江 王敗走童即且至廼渡江橋陳王今拜項梁為楚上 聞陳嬰已下東陽使使欲與連和俱西陳嬰者故東 廣陵人名平為陳王尚廣陵未下聞陳 通쇒犯事本末 セナモ

布與蒲将軍皆以其兵屬馬項梁眾凡六七萬人軍 大事将非其人不可我倚名族亡秦必矣其衆從之乃 敢為王謂其軍吏曰項氏世世将家有名於楚令欲舉 未當聞汝先世之有貴者令暴得大名不祥不如有所 聚得二萬人欲立嬰為王嬰母謂嬰曰自我為汝家婦 邳景駒春嘉軍彭城東欲以距梁深謂軍吏曰陳王先 以其兵屬梁英布既破秦軍引兵而東聞項梁西度准 屬事成猶得封侯事敗易以亡非世所指名也嬰乃不

金グロ

首事戰不利未聞所在令秦嘉倍陳王而立景駒大逆無 久己以軍官馬 大夫将十人沛公還引兵攻豐拔之雍齒犇魏項深使 戰餘樊君死朱難石軍敗亡走胡陵梁乃引兵入薛誅 道乃進兵擊秦嘉秦嘉軍敗走追之至胡陵嘉還戰一 朱雞石沛公從騎百餘往見梁梁與沛公卒五千人五 引軍而西章邯軍至栗項梁使別将朱雞石餘樊君與 日嘉死軍降景駒走死梁地梁已并泰嘉軍軍胡陵将 羽別攻襄城襄城堅守不下已拔皆院之還報梁聞 通無犯事本末 そさ

立為楚懷王從民望也陳嬰為上柱國封五縣與懷王 其言乃求得楚懷王孫心於民間為人牧羊夏六月以 故楚南公曰楚雖三户亡秦必楚今陳勝首事不立楚 秦滅六國楚最無罪自懷王入秦不反楚人憐之至今 陳王定死召諸别将會薛計事沛公亦往馬居鄭人范 君者以君世世楚将為能復立楚之後也於是項深 後而自立其勢不長令君起江東楚遙起之将皆爭附 年七十素居家好奇計往說項梁曰陳勝敗固當夫 

金万里屋と言

都 钦定四庫全書 即夜街枚擊大破齊楚軍於臨濟下殺齊王及周市 請救於齊楚齊王儋及楚将項它皆将兵隨市救魏章 |童即已破陳王乃進兵擊魏王於臨濟魏王使周市 王咎為其民約降約定自燒殺其弟豹亡走楚楚懷 使良求韓成立以為韓王以良為司徒與韓王将干 後而韓諸公子橫陽君成最賢可立為王益樹黨項梁 西略韓地得數城泰鄭復取之往來為游兵顏 盱眙項梁自號為武信君張良說項梁曰君已立楚 通難紀事本末 大九 )]] 出

陶 **邯戰又破之童即復振守濮陽環水沛公項羽去攻定** 邯 霖雨武信君引兵攻亢父 聞田樂之急 題引兵擊破章 追北使項羽沛公別攻城陽屠之楚軍軍濮陽東復與章 弟假為王田角為相角弟間為将以距諸侯秋七月大 予魏豹數千人復徇魏地齊田榮以其兄儋餘兵東走 東阿童即追圍之齊人間齊王儋死乃立故齊王建之 軍東阿下童即走而西田柴引兵東歸齊武信君獨 月田榮擊逐齊王假假亡走楚田角亡走趙

欠足四車公書 者則見短於大臣非所以示神明於天下也陛下不如 陛下富於春秋未必盡通諸事令坐朝廷譴舉有不當 發兵共擊章即田崇曰楚殺田假趙殺角問乃出兵楚 曰天子所以贵者但以聞聲奉臣莫得見其面故也且 以私怨誅殺人衆多恐大臣入朝奏事言之乃說二世 之田横為将平齊地章即兵益盛項梁數使使告齊趙 間前救趙因留不敢歸田祭西立儋子市為齊王榮相 不許田紫怒終不肯出兵 通鑑紀事本末 即中今趙高恃恩專恣 7

此真君侯之事君何不諫李斯曰固也吾欲言之久矣 急益發縣治阿房官聚狗馬無用之物臣欲諫為位賤 此則大臣不敢奏疑事天下稱聖主矣二世用其計乃 趙高萬聞李斯以為言乃見丞相曰關東羣盜多令上 深拱禁中與臣及侍中習法者待事事來有以揆之如 無問趙萬曰君誠能諫請為君候上問語君於是趙高 **令時上不坐朝廷常居深宫吾所言者不可傳也欲見** 不坐朝廷見大臣常居禁中趙髙侍中用事事皆決於

グロバ

待二世方燕樂婦女居前使人告丞相上方閒可奏事 帝 相不來吾方私燕丞相鄭來請事丞相宣少我哉且固 皆丞相傍縣之子以故楚盗公行過三川城守不肯擊 我哉趙高因曰夫沙丘之謀丞相與馬令陛下已立為 丞 欽定四庫全書 髙聞其文書相往來未得其審故未敢以聞且丞相 問臣臣不敢言丞相長男李由為三川守楚益陳勝等 ト催食今生下二十八分大次天天日心土下婚ろも 而丞相貴不益此其意亦望裂地而王矣且陛下不 相至官門上謁如此者三二世怒曰吾常多問日弘 通鐵記事本未 î

其恩威下得百姓上得羣臣卒弑簡公而取齊國此天 之短曰髙擅利擅害與陛下無異昔田常相齊簡公竊 使人按驗三川守與盜通状李斯聞之因上書言趙髙 田氏之於齊矣而又貪欲無厭求利不止列勢次主其 下所明知也令髙有邪佚之志危反之行私家之富若 夕村電方門一 無窮劫陛下之威信其志若韓玘為韓安相也陛下 圖臣恐其必為變也二世曰何哉夫高故官人也然 二世と言名名与ラオスよう写フラ

欽定四庫全書--當誰任哉且趙君為人精廉殭力下知人情上能適朕 進以信守位朕實賢之而君疑之何也且朕非屬趙君 与武兒人气青且上可多写作首或自回爱发專二世 時盜賊益多而關中卒發東擊盗者無已右丞相馮去 日丞相所患者獨高髙已死丞相即欲為田常所為 不為安肆志不以危易心潔行修善自使至此以忠得 疾左丞相李斯将軍馮劫進諫日關東屋盗並起秦發 君其勿疑二世雅愛信髙恐李斯殺之乃私告趙髙髙 兵誅擊所殺亡甚衆然猶不止盜多皆以戍漕轉作 通籍紀事本も ハナー

力何以在位下去疾斯劫吏案責代罪去疾劫自殺 帝 已定外攘四夷以安邊境作宫室以童得意而君觀先 之實以徇百姓尚何於法且先帝起諸侯兼天下天下 為 又欲罷先帝之所為是上無以報先帝次不為朕盡忠 日凡所為貴有天下者得肆意極欲主重明法下不敢 非以制御海内矣夫虞夏之王貴為天子親處窮苦 功業有緒令朕即位二年之間厚盗並起君不能禁 手つせ言 ユエア アワイラスト ħ

IJ

i

ド車ニ

钦定四庫全書-除行謀臣資之金玉使游說諸侯陰脩甲兵的政教官 國虜其王立秦為天子又北 逐胡貉南定百越以見秦 屬士尊功臣故終以魯韓弱魏破燕趙夷齊楚卒兼六 餘年矣逮秦地之陋隘不過千里兵數十萬臣盡薄材 二世寤而赦之乃從獄中上書曰臣為丞相治民三十 所以不死者自負其辯有功實無反心欲上書自陳幸 捕宗族賓客趙高治斯榜掠干餘不勝痛自誣 通鑑紀事本末 14 服 斯

李斯就欲二世以屬趙萬治之責斯與子由謀反状皆

趙高使其客十餘輩詐為御史謁者侍中更往覆訊 願陛下察之書上趙萬使吏棄去不奏曰四安得上書 此皆臣之罪也臣當死久矣上幸盡其能力乃得至今 之殭更尅畫平斗斛度量文章布之天下以樹春之名 擊殺之使者來會丞相下獄高皆妄為及解以相傳會 為丞相所賣及二世所使案三川守由者至則楚兵已 斯更以其實對輕使人復榜之後二世使人驗斯斯 如前終不敢更言解服奏當上二世喜曰微趙君幾

沙之四事全書! 梁 丞相事無大小皆決焉 免豈可得乎遂父子相哭而夷三族二世乃以趙高為 謂其中子曰吾欲與若復牽黃大俱出上蔡東門逐校 逐具斯五刑論腰斬咸陽市斯出獄與其中子俱執顧 将縣卒情者敗令卒少情矣秦兵日益臣為君畏之 大破之斬李由項梁益輕泰有縣色宋義諫曰戰勝而 西北至定尚再破泰軍項羽沛公又與泰軍戰於雅丘 弗聽乃使宋義使於齊道遇齊使者高陵君顯曰 通鑑犯事本未 珥 梁已破章即於東阿引兵 頂

定陶 梁以為楚地兵不足憂乃度河北擊趙大破之引兵至 都彭城吕臣軍彭城東項羽軍彭城西沛公軍陽 免 将見武信君乎曰然曰臣論武信君軍必敗公徐行 君死士卒恐乃與将軍吕臣引兵而東徙懷王自盱眙 節皆徒其民河内夷其城郭張耳與趙王歇走入鉅 下魏二十餘城楚懷王立豹為魏王 死疾行則及禍二世益起兵益章邯擊楚軍大破之 項梁死項羽沛公攻外黄未下去攻陳留聞武信 章 一世已破 PP 項

手りし

卷一

を己り見とい 楚 趙 戰而先見敗徵此可謂知兵矣王名宋義與計事而大 三年冬十月宋義行至安陽留四十六日不進項羽 說之因置以為上将軍項羽為次将范增為末将以救 章 粌 諸别将皆屬宋義號為卿子冠軍 **・
即軍鉅鹿南棘原趙數請救於楚高陵君顯在楚見** 王曰宋義論武信君之軍必敗居數日軍果敗兵未 通鑑犯事本未 懷王遣沛公西 八五 日

鹿城王離圍之陳餘比以常山兵得數萬人軍鉅鹿北

政秦久留不行令歲餘民貧士卒食半菽軍無見糧乃 必矣宋義曰不然夫搏牛之輕不可以破機強令秦攻 無鹽飲酒高會天寒大雨士卒凍飢項羽日将戮力而 籌策公不如義因下今軍中曰有猛如虎很如羊貪 舉秦矣故不如先鬭秦趙夫披堅執銳義不如公坐運 趙戰勝則兵罷我承其敝不勝則我引兵鼓行而西 狼僵不可使者皆斬之乃遣其子宋襄相齊引送之至 圍趙急宜疾引兵渡河楚擊其外趙應其內破秦

金ラロ

المالية المراد

大三日日 人 家也今将軍誅亂乃相與共立羽為假上将軍使人追 宋義頭出令軍中日宋義與齊謀及楚楚王除令籍誅 之當是時諸将皆帽服莫敢枝梧皆曰首立楚者将軍 稷之臣也十一月項羽晨朝上将軍宋義即其帳中斬 将軍國家安危在此一舉令不恤士卒而狗其私非社 何敝之承且國兵新破王坐不安席掃境內而專屬於 其敝夫以秦之殭攻新造之趙其勢少舉趙趙與秦殭 飲酒高會不引兵渡河因趙食與趙并力攻秦乃曰承 通然犯事本夫 共

推兵數萬不肯相放安在其相為死 尚必信胡不赴秦 城中食盡兵少張耳數使人召前陳餘陳餘度兵少不 宋義子及之齊殺之使桓楚報命於懷王懷王因使羽 陳餘日始吾與公為刎頸交令王與耳旦暮且死而公 敬秦不敢前數月張耳大怒怨陳餘使張隱陳澤往讓 章邯築甬道屬河餉王離王離兵食多急攻鉅鹿鉅鹿 為上将軍 十二月沛公引兵至栗遇剛武侯奪其軍 四千餘人并之與魏将皇欣武滿軍合攻秦軍破之 巷一下

金罗口屋

イコーニー

乏食陳餘復請兵項羽乃悉引兵渡河皆沈船破釜甑 擊春項羽已殺仰子冠軍威震楚國乃遣當陽君蒲将 來救趙張敖亦北以代兵得萬餘人來皆壁餘旁未敢 歷澤将五千人先當秦 軍至皆沒當是時齊師燕師皆 俱死如以肉委餓虎何益張黡陳澤要以俱死餘乃使 徒盡亡軍且餘所以不俱死欲為趙王张君報泰令必 軍俱死且有十一二相全陳餘曰吾度前終不能救趙 軍将卒二萬渡河救鉅鹿戰少利絕童即甬道王離軍

以之四車全書 ·

通鑑紀事本末

;

7

燒廬舍持三日糧以示士卒必死無 始為諸侯上将軍諸侯皆屬焉於是趙王歇及張耳 将諸侯将入轅門無不膝行而前莫敢仰視項羽由是 諸侯軍無不人人惴恐於是已破泰軍項羽名見諸 秦諸将皆從壁上觀楚戰士無不一當十呼聲動天地 時楚兵冠諸侯軍投鉅鹿者十餘壁莫敢縱兵及楚擊 敢進擊秦軍遂殺蘇角虜王離涉問不降自燒殺當是 圍王離與秦軍遇九戰大破之章即引兵却諸侯兵乃 還心於是至則

肯救趙及問張歷陳澤所在疑陳餘殺之數以問餘 之河上澤中漁獵趙王歇還信都春二月沛公北擊昌 陳餘還亦至張耳不讓遂超出獨與麾下所善數百人 君不受反天不祥急取之張耳乃佩其印以其麾下而 脫解印綬推予張耳張耳亦愕不受陳餘起如風客有 餘怒曰不意君之望臣深也豈以臣為重去将印哉乃 得出鉅鹿城謝諸侯張耳與陳餘相見責讓陳餘以不 張耳曰臣聞天與不取反受其各今陳将軍與君印 通鑑紀事本末

文之四事全等

ハナハ

後不敢於是越引一人斬之設壇祭令徒屬皆大驚莫 與期旦日日出會後期者斬旦日日出十餘人後後者至 彭越曰請仲為長越謝曰臣不願也諸少年殭請乃許 日中於是越謝日臣老諸君殭以為長令期而多後不 可盡誅誅最後者一人令校長斬之皆笑曰何至是 仰視乃略地収諸侯散卒得干餘人遂助沛公収 為犀盗陳勝項梁之起澤間少年相聚百餘人往從

邑過彭越彭越以其兵從沛公越昌邑人常漁鉅野澤

といりまたなから 謂曰諸侯将過髙陽者數十人吾聞其将皆齷齪好苛 落魄為里監門沛公麾下騎士 適食其里中人食其見 邑昌邑未下沛公引兵西過高陽高陽人鄭食其家貧 生騎士曰沛公不好儒諸客冠儒冠來者沛公輒解 此真吾所願從游莫為我先若見沛公謂曰臣里中有 禮自用不能聽大度之言吾聞沛公慢而易人多大略 冠溲溺其中與人言常大罵未可以儒生說也酈生 **酆生年六十餘長八尺人皆謂之狂生生自謂我非狂** 通鑑紀事本末

金月巴尼白雪 |喜賜郡生食問日計将安出 郡生日足下起糾合之東 使人名郡生郡生至入謁沛公方仍林使雨女子洗足 第言之騎士從容言如鄭生所誠者沛公至髙陽傅 聚徒合義兵誅無道秦不宜侶見長者於是沛公較洗 矣故諸侯相率而攻秦何謂助秦攻諸侯乎酈生曰 乎且欲率諸侯破秦也沛公罵曰監儒天下同苦秦久 而見剛生剛生入則長揖不拜曰足下欲助秦攻諸侯 起攝衣延勵生上坐謝之勵生因言六國從橫時沛 1 泌 舍

たとり事を動 熊會戰白馬又戰曲遇東大破之楊熊走之榮陽二世 常為說客使諸侯三月市公及開封未放西與秦将楊 多積栗臣善其今請得使之今下足下即不聽足下舉 者也夫陳留天下之衝四通五達之郊也令其城中又 **収散亂之兵不滿萬人欲以徑入殭秦此所謂探虎口** 兵攻之臣為內應於是遣酈生行沛公引兵隨之遂下 得四千人來屬沛公沛公以為将将陳留兵以從酈生 陳留號即食其為廣野君剛生言其弟商時商聚少年 通鑑記事本末

公乃夜 使使者斬之以狗夏四月沛公南攻潁川屠之因張良遂 金贝巴尼 從 略韓地時趙别将司馬印方欲渡河入關沛公乃北攻 距 陽守虧戰雙東破之略南陽郡南陽守走保城守宛沛 公引兵過宛西張良諫曰沛公雖欲急入關秦兵尚 平陰絕河津南戰洛陽東軍不利南出報報張良引 險令不下宛宛從後擊强泰在前此危道也於是沛 沛公沛公令韓王成留守陽程與良俱南六月與南 引軍從他道還偃旗戲遲明固宛城三匝南陽 111111

一守欲自刎其舍人陳恢曰死未晚也乃踰城見沛公曰 次定四車全書~ 七月南陽守斷降封為殷侯封陳恢千户引兵西無不 聞聲爭開門而待足下足下通行無所累沛公日善秋 約降封其守因使止守引其甲卒與之西諸城未下者 連城數十其吏民自以為降必死故皆堅守乘城令足 臣聞足下約先入成陽者王之今足下留守死死郡縣 足下前則失咸陽之約後有殭死之患為足下計莫若 下盡日止攻士死傷者必多引兵去宛死必隨足下後 通鑑紀事本末 ナト

功不能勝不免於死願将軍熟計之陳餘亦遺章即書 走其軍不敢出故道趙髙果使人追之不及欣至軍 陽留司馬門三日趙髙不見有不信之心長史欣恐還 日趙髙用事於中下無可為者令戰能勝萬必嫉妬吾 軍數却二世使人讓童邯章邯恐使長史於請事至咸 別将梅銷與偕攻折酈皆降所過亡得鹵掠秦民皆喜 下者至丹水髙武侯鰓襄侯王陵降還攻胡陽遇番君 王離軍既沒童即軍棘原項羽軍漳南相持未戰秦

多内 之今将軍內不能直諫外為亡國将狐特獨立而欲常 彼趙髙素諛日久令事急亦恐二世誅之故欲以法 為秦将三歲矣所亡失以十萬數而諸侯並起滋益多 竟斬陽周何者功多秦不能盡封因以法誅之令将軍 計而竟賜死蒙恬為秦将北逐戎人開榆中地數千里 曰白起為秦将南征耶郢北院馬服攻城略地不可勝 将軍以塞責使人更代将軍以脫其禍夫将軍居外 卻有功亦誅無功亦誅且天之亡秦無愚智皆知

たこり日日日

通無犯事本末

招 兵擊秦軍汙水上大破之童即使人見項羽欲約 金灯里 存豈不哀哉将軍何不還兵與諸侯為從約共攻秦分 羽乃立章即為雅王置楚軍中使長史改為上将軍 洹 日夜引兵度三户軍庫南與秦軍戰再破之項羽悉引 狐疑陰使候始成使項羽欲約約未成項羽使蒲将 王其地南面稱孤此孰與身伏鉄質妻子為戮乎童即 水南殷虚上已盟章即見項羽而流海為言趙高 軍吏謀曰糧少欲聽其約軍吏皆曰善項羽乃與期 くいっして 項 項 羽 軍

久已四車全書 應諸侯諸侯成率其眾西鄉八月沛公将數萬人攻武 章邯等軍數敗上書請益助自關以東大抵盡畔泰吏 其過高前數謂關東盜無能為也及項羽虜王離等而 鹿者髙因除中諸言鹿者以法後羣臣皆畏高莫敢言 謂鹿為馬問左右左右或默或言馬以阿順趙髙或言 關屠之高恐二世怒誅及其身乃謝病不朝見使使責 乃先設驗持應獻於二世曰馬也二世笑曰丞相誤邪 秦軍為前行 初中丞相趙萬欲專秦權恐犀臣不聽 通鑑犯事本未 カナ

直将吏入行射即宦者即宦者大熊或走或格格者 止衛令曰周廬設卒甚謹安得賊敢入宫樂逐斬衛 卒千餘人至望夷宫殿門縛衛令僕射曰賊入此何 為有大賊令樂召吏發卒迫劫樂母置高舍遣樂将吏 子嬰子嬰仁儉百姓皆載其言乃使即中令為內應訴 成謀曰上不聽諫令事急欲歸禍於吾欲易置上更立 讓高以盜賊事高懼乃陰與其壻成陽今間樂及弟趙 死死者數十人即中令與樂俱入射上幄坐韓二世怒召 軓

金りも

雖多言臣不敢報應其兵進二世自殺問樂歸報趙高 比諸公子關樂曰臣受命於丞相為天下誅足下足下 為王弗許又曰願為萬户侯弗許曰願與妻子為點首 故得全使臣早言皆已誅安得至今問樂前即二世數 入内 左右左右皆惶擾不關旁有宦者一人侍不敢去二世 二世日丞相可得見否樂曰不可二世曰吾願得一郡 日足下驕恣誅殺無道天下兵畔足下足下其自為計 謂曰公何不早告我乃至於此宦者曰臣不敢言

久己四年合

通偶紅事木木

九吉

首葬二世杜南宜春苑中九月趙高令子嬰齊當廟見 殺我我稱病不行丞相必自來則殺之高使人請 約減秦宗室而分王關中令使我齊見廟此欲因廟 受玉璽齊五日子嬰與其子二人謀曰丞相高殺二世 空名為帝不可宜為王如故便乃立子嬰為泰王以點 國始皇君天下故稱帝令六國復自立秦地益小 趙髙乃悉名諸大臣公子告以誅二世之状曰泰故 望夷宫恐犀臣誅之乃伴以義立我我開趙高 乃與姓 子嬰 73

多けなたた

1 1 1

久足四車全時 大敗漢萬祖元年冬十月沛公至霸上秦王子嬰素車 **黃山擊秦軍大破之藍田南逐至藍田又戰其北秦兵** 旗幟於山上為疑兵使腳食其陸賈往說秦将陷以 沛公欲擊之張良曰泰兵尚殭未可輕願先遣人益 數準子嬰不行高果自往曰宗廟重事王奈何不行子 其士卒不從不如因其懈怠擊之沛公引兵繞嶢關踰 秦将果欲連和沛公欲許之張良曰此獨其将欲叛恐 嬰逐刺殺髙於齊宫三族髙家以狗遣将将兵距嶢關 通鑑紀事本末 九十五 張

白馬係頸以組封皇帝璽符節降軟道旁諸将或言誅 金り口 之勃異也 泰王沛公曰始懷王遣我 固以能寬容且人已降殺之 通鑑紀事 以屬吏 身死人手為天下笑者何也仁誼不施而攻守 ノニーモ 以區區之地致萬栗之權招八州而朝 然後以六合 為家 毅函為宫一夫作難 本末卷一下 长 而 百